

MISSÆ
PROPRIÆ
PATRONORUM

ET

FESTORUM
REGNI POLONIÆ,
ET SUECIÆ.

AD NORMAM

MISSALIS ROMANI
ACCOMMODATÆ.



190.941

CUM LICENTIA ORDINARIJ

190941

WRATISLAVIÆ,

Typis Academicis Collegij Societatis JESU. MDCCXLIX.

CALENDARIUM
PATRONORUM
 ET
FESTORUM
REGNI POLONIÆ ET SUECIÆ,

FESTA DECEMBRIS.
 Die iv. S. Barbaræ V. & M. **duplex.**
 Die, v. S. Petri Chryfologi Ep. Conf. **dupl.**

FESTA JANUARI.
 Die xix. S. Henrici Episc. & Mart. **duplex.**
 Die xxi. S. Agnetis V. M. **duplex.**
 Die xxiii. Desponsatio B. V. M. **dupl. maj.**
 comm. S. Joseph. & S. Eremen-
 tianæ.

Die xxiii. S. Joannis Eleemosynarii Ep. Conf. **duplex in Diocesi Plocensi.**
 Die xxiv. Translatio S. Erici Regis & Mar-
 tyris **dupl.**

FESTA FEBRUARI.
 Die i. S. Brigidæ V. **duplex.**
 Die iv. S. Ansgarii Ep. & Conf. **P. R. S. dupl.**
 Die vi. S. Dorotheæ V. M. **duplex.**
 Die vii. S. Romualdi Abb. **duplex.**
 Die ix. S. Apolloniæ V. M. **Patronæ R. Pol.**
duplex.
 Die x. Scholasticæ V. **dupl.**
 Die xix. Conradi Placentini. **Semiduplex.**
 Die xxv. S. Sigfridi Episc. & Conf. **duplex.**

FESTA MARTII.
 Die i. S. Albini Conf. Pont. **dupl. in Diocesi Gnesnensi.**
 Die ii. S. Helenæ Viduæ **duplex.**
 Die iv. S. Casimiri Conf. **dupl. comm. S.**
 Lucii Papæ M. **In Lituania sine**
dicta comm.
 Die v. Translatio S. Wenceslai M. **duplex.**
 Die ix. S. Catharinæ Bononiensis, Ord. S.
 Franc. Min. **dupl. in Dioc. Var-**
mieni.

Die x. SS. Cyrilli & Methodii Conf. Pont. **in Dioc. Gnesn. Semidupl. in Præ-**
misl. dupl.

Die xvii. S. Gertrudis V. **Semidupl. in Diocesi Gnesnensi & Culmensi.**
 Die xviii. S. Gabrielis Arch-Angeli, **dupl.**
 Die xxiii. S. Catharinæ Vastanensis V. **dupl.**

FESTA APRILIS.
 Die xxiii. S. Adalberti Ep. M. **duplex.**
 Die xxiv. S. Georgii, M. **Semid. in Lituania**
duplex. celebraturque 23. April.
Transl. in 24. Festo S. Adalberti.
 Dominica 3. post Pascha, Festum Pa-
 trocinii S. Joseph. **duplex.**

FESTA MAJI.
 Die ii. S. Sigismundi Regis M. **dupl. in Diocesi Ploc.**
 Die iv. S. Floriani M. **duplex.**
 Die viii. S. Stanislai Ep. M. **dupl.**
 Die xiii. S. Servatii Ep. Conf. **duplex in**
Diocesi Gnesnensi.
 Die xvi. S. Joannis Nepomuceni M. **dupl.**
 Die xviii. S. Erici Regis & M. **P. R. S. dupl.**
 Dominica secunda post Pascha SS. Se-
 pulchri D. N. J. C.
 Die xxv. S. Joannis de Predo. M.

FESTA JUNII.
 Die iii. S. Erasmi M. **dupl. in Diocesi Plocensi, & alibi ad libitum.**
 Die xiii. S. Antonii de Padua Conf. **duplex.**
 Die xvi. S. Bennonis Ep. Conf. **duplex.**
 Die xix. S. Bonifacii Ep. M. **Semiduplex.**
 Die xxi. S. Aloysii Gonzaga, Conf. **duplex.**
 Die

Die xxii. S. Æschili Episcopi & Martyris
duplex.

Die xxvii. S. Ladislai Regis Hung. Conf. **duplex.** In Diœc. Vilnensi, Samogitiensi, & Livoniæ.

Dominica prima post Octavam SS. Petri & Pauli Festum SS. Patronorum Regni Sueciæ.

FESTA JULII.

Die vii. S. Pulcheriæ V. **duplex.**

Die ix. SS. Martyrum Gorcomiensium, **dupl.** In Diœc. Posnaniensi, Plocensi, & Varmiensi, ad libit.

Die xiii. S. Margaritæ V. Mart. **duplex.**

Die xv. Divisio SS. Apostolorum, **duplex.**

Comm. S. Davidis Abbatis.

Die xvi. SS. Eremitarum Andreae & Benedicti Martyrum **duplex in Archidiœces. Gnesnens.**

Die xviii. S. Simonis de Lipnica, **duplex.**

Die xix. S. Joannis de Dukla, **duplex.**

Die xx. S. Ceslai Conf. **dupl.**

Dominica proxima post 24. Julii S. Cunegundis Virg. **dupl.**

Die xxiv. S. Camilli de Lellis Conf. **dupl.**

Die xxvi. S. Christinæ V. M. **dupl.** In Diœc. Posnaniensi, Plocensi, Luceorienti, & Varmiensi.

Die xxviii. S. Bodvidi Martyris **duplex.**

Die xxix. S. Olavi Regis & Martyris. **duplex.**

Die xxxi. S. Helenæ Viduæ & Martyr. **dupl.**

FESTA AUGUSTI.

Die ii. Commemoratio S. Catharinæ Vastanensis V.

Die xvi. S. Rochi Conf. **duplex.**

Dominica proxima post Festum Assumptionis B. V. M. S. Hyacinthi Conf. **dupl.**

Die xviii. S. Claræ de Monte Falcon. Virg.

Die xix. S. Benignæ V. M. **dupl.** In Diœc. Vladislaviensi.

Dominica post Octavam Assumptionis B. V. M. Translatio S. Casimiri Conf. **duplex.**

Die xxix. S. Sabinæ M. **dupl.** in Ecclesia Cathedrali. Posnaniensi.

Die xxx. S. Rosæ Limanæ V. **dupl.** NB. In

Diœc. Vilnensi, Samog. Livoniæ celebratur die 26. Aug.

Die xxx. SS. Felicis, & Adacti, **duplex** In Diœc. Vilnensi, Samog. & Livoniæ. **FESTA SEPTEMBRIS.**

Dominica i. Septembris Festum Reliquiarum Diœces. Varm. & Samb. **dupl.**

Die i. B. Ladislai. de Gielniow P. R. P. **dupl.** i. Class.

Die vi. S. Rosaliæ V. Panormitanæ, **dupl.** In Diœc. Posnaniensi, & Varmiensi

Vel S. Rosæ de Viterb. Virg. **dupl.**

Die x. S. Dalmatii M. **dupl.** in Diœc. Vladislaviensi.

Die xxiv. SS. Tyrsi Palmatii, & Soc. MM. **duplex.** in Diœc. Vladislav.

Dominica post festum S. Matthæi festum Reliquiarum Ecclesiæ Ubsalensis.

Die xxvi. S. Josaphat Ep. M. **duplex.**

Die xxvii. Transl. S. Stanislai Ep. M. **dupl.**

Die xxviii. S. Wenceslai M. **duplex.**

FESTA OCTOBRIS.

Die vi. Translatio S. Æschili **duplex.**

Die vii. S. Brigittæ Viduæ. **dupl.**

Die x. Festum Gratiarum actionis pro Victoria ex Turcis obtenta.

Die x. SS. Gereonis & Soc. MM. **dupl.** In Diœc. Gnesnensi.

Die x. Feria non impedita, S. Ludovici Bertrandi Conf. non Pont.

Die xv. S. Hedwigis Viduæ, **duplex.**

Die xv. S. Theresiæ V. **dupl.** in Diœc. Vilnensi ubi S. Hegwigis 17. Octobris celebratur.

Die xvi. Brunonis Ep. M. Apostoli Pruff. **dupl.** in Diœc. Varmiensi, & Sambieni.

Die xx. Translatio S. Adalberti Episc. M. **dupl.**

Die xxi. S. Ursulæ & Soc. VV. MM. **duplex** cum comm. S. Hilarionis Abb.

Die xxiii. S. Joannis à Capistrano Confess. **duplex.**

Dominica 4. Octobr. S. Joann. Cantii. Conf. **duplex.**

Die

Die xxviii. S. Petri Paschasii Ep. & M. **dupl.**
Die xxxi. S. Wolffgangi Ep. Confes. **dupl.**

FESTA NOVEMBRIS.

Dom. 1. post 13. Nov. S. Stanislai Kostka C. S. J. P. R. P. **dupl.**
Dominica 2. Novembris Festum Patrocini B. V. M. **duplex.**

MISSÆ.

FESTA DECEMBRIS.

Die iv. Decembris.
In Festo S. Barbaræ virginis, & martyris. **duplex.**
Missa. Loquebar. **de comm. virg. mart. alicubi.**

ORATIO.

Porrige, misericors Deus, clementiam tuam nobis devote supplicantibus, ut, qui Beatæ Barbaræ Virginis & Martyris tuæ commemoratione gratulamur, virtute illius ad promerendam delictorum veniam gubernemur. Per Dominum nostrum.

Die v. Decembris.
S. Petri Chrysologi Ep. Conf. & Doct. **dupl.**
Missa. In medio.

ORATIO.

Deus, qui beatum Petrum Chrysologum, Doctorem egregium, divinitus, præmonstratum ad regendam, & instruendam Ecclesiam tuam eligi voluisti: præsta, quæsumus; ut, quem Doctorem vitæ habuimus in terris, Intercessorem habere mereamur in cælis. Per Dominum nostrum.

FESTA JANUARI.

Die xix. Januarii.
S. Henrici Episc. & Martyris **dupl.**
Missa ex Communi unius Martyris Sacerdotes Dei.

ORATIO.

Omnipotens sempiterne Deus, qui beato Henrico Martyri tuo atque Pontifici, glorioso triumpho martyrii largitus es palmam: ejus quæsumus meritis, & pre-

Die xii. SS. Quinque Fratrum Polonorum MM. **duplex.**

Die xv. S. Gertrudis Virginis Abbatissæ, **duplex.**

Die xvii. S. Salomeæ V. Reginae Haliciae, **duplex.**

Die xix. S. Elisabeth Viduæ, **duplex.**

cibus gratiam nobis largiaris & gloriam. Per Dominum nostrum.

Die xxi. Januarii.
S. Agnetis virginis, & martyris. **duplex.**
Missa suo ordine in Missali.

Die xxiii. Januarii.
Desponsatio B. Virginis Mariæ, **duplex majus.**
Missa in fine Missalis. Commemor. 1. S. Joseph, & 2. S. Emerentianæ.

Die xxiii. Januarii.
S. Joannis Eleemosynarii Episc. Conf. **dupl.**
In Diocesi Plocensi.
Missa ex Communi Confessoris Pontificis. Statuit.

ORATIO.

Deus, qui beatum Joannem Eleemosynarium Confessorem Pontificem tuum, sanctarum Eleemosynarum erogatorem constituisti, donisque temporalibus cumulatam, ad pauperum tuorum consolationem, deficere nunquam permisisti, concede propitius; ut cujus merita hodierna die recolimus, ejus imitatione præsentium futurorumque bonorum dona, te adjuvante consequi mereamur. Per Dominum.

Die xxiv. Januarii.
Translatio S. Erici Regis & Martyris. **dupl.**
Missa. In virtute tua. **de comm. Mart. non Pont. in Orat.** Præsta loco natalitia ponitur: translationem. **Evangelium ex missa.** Sacerdotes Dei. Si quis vult post me venire. **FE.**

FESTA FEBRUARII.

Die i. Februarii.

In festo sanctæ Brigidæ Virginis, **duplex.**
Missa. Dilexisti. de Communi Virginum tantum.

ORATIO.

OMnipotens sempiterne DEUS, qui es sanctarum gloria virtutum, clementiam tuam supplices exoramus: ut per merita beatæ virginis tuæ Brigidæ, opportunum, tuæ pietatis auxilium sentiamus. Per.

Secreta.

Munera tibi Domine dicata sanctifica: & intercedente beata Brigida virgine tua, per eadem nos placatus intende. Per.

Postcommunio.

Satiasti Domine, familiam tuam muneribus sacris: ejus quæsumus semper interventione nos refove, cujus solemnia celebramus. Per Dominum.

Die iv. Februarii.

S. Ansgarii Episcopi & Confess. **duplex.**
Missa. Statuit de Comm. Conf. Pontif.
Oratio. Exaudi quæsumus. Ex missa sequenti Sacerdotes tui.

Die vi. Februarii.

S. Dorotheæ Virginis, & Martyr. **duplex.**
Missa. Me expectaverunt peccatores. In Communi Virginum, & Martyrum.

Die vii. Februarii.

S. Romualdi Abbatis. **duplex.**
Missa. Os justi meditabitur. de Communi Abbatum.

Die ix. Februarii.

S. Apolloniæ virginis, & Martyris. **duplex.**
Missa. Dilexisti. de Com. Virg. mart.

Die x. Februarii.

S. Scholasticæ virginis, **duplex.**
Missa. Dilexisti. ORATIO.

DEus, qui Animam B. Virginis tuæ Scholasticæ, ad ostendendam innocentiam viam, in Columbæ specie Cælum penetrare fecisti; da nobis ejus meritis, & precibus ita innocenter vivere, ut ad æterna mereamur gaudia pervenire. Per Dominum.

Die xix. Februarii.

S. Conradi Placentini, **Semiduplex.**
Missa. Justus ut palma. De Communi Conf. non Pont. Evangelium, Ecce nos reliquimus omnia. De Communi Abbatum.

Die xxv. Februarii.

S. Sigfridi Episcopi Confessoris **duplex.**
Missa. Statuit. de Comm. Conf. Pontif. ORATIO.

DEus, qui beatum Sigfridum Confessorem tuum, Evangelicæ prædicationis gratia sublimasti: præsta quæsumus; ut & doctrina ejus erudiamur, & precibus adjuvemur. Per Dominum.

FESTA MARTII.

Die i. Martii.

S. Albini Confessoris Pontificis, **duplex in Diocesi Gnesnensi.**
Missa. Statuit. de Comm. Conf. Pont. ORATIO.

Votiva quæsumus Domine nos beati Albini Confessoris tui atque Pontificis natalitia restaurent, & ad omne bonum tua gratia faciant propensiores. Per Dominum.

Die ii. Martii.

S. Helenæ Imperatricis Viduæ **duplex.**
Introitus.

Mihi autem absit gloriari, nisi in Cruce Domini nostri Jesu Christi, per quem mihi mundus crucifixus est, & ego mundo. **Psal. 22. Virga tua & baculus tuus, ipsa me consolata sunt. Gloria &c.**

ORATIO.

Domine Jesu Christe, qui locum, ubi Crux tua latebat, Beatæ Helenæ revelasti, ut per eam Ecclesiam tuam hoc pretioso thesauro ditares, ejus nobis intercessionem concede, ut vitalis ligni pretio æternæ vitæ præmia consequamur. Qui vivis & regnas. &c.

In Quadragesima fit comm. Fer.

Lectio Libri Sapientiæ, Prov. c. 31.

Mulierem fortem quis inveniet, procul, & de ultimis finibus pretium ejus. Confidit in ea cor viri sui, & spoliis non indigebit. Reddet ei bonum, & non malum,

B

omni-

omnibus diebus vitæ suæ. Quæsiuit lanam & linum, & operata est consilio manuum suarum. Facta est quasi navis institoris, de longe portans panem suum. Et de nocte surrexit, deditque prædam domesticis suis, & cibaria ancillis suis. Consideravit agrum, & emit eum, de fructu manuum suarum plantavit vineam. Accinxit fortitudine lumbos suos, & roboravit brachium suum. Gustavit & vidit quia bona est negotiatio ejus, non extinguetur in nocte lucerna ejus. Manum suam misit ad fortia, & digiti ejus apprehenderunt fufum. Manum suam aperuit inopi, & palmas suas extendit ad pauperem. Non timebit domui suæ a frigoribus nivis, omnes enim domestici ejus vestiti sunt duplicibus. Stragulatam vestem fecit sibi, byssus & purpura indumentum ejus. Nobilis in portis vir ejus, quando federit cum senatoribus terræ. Sindonem fecit, & vendidit, & cingulum tradidit Chananæo. Fortitudo & decor indumentum ejus, & ridebit in die novissimo. Os suum aperuit sapientiæ, & lex clementiæ in lingua ejus. Consideravit semitas domus suæ, & panem otiosa non comedit. Surrexerunt filii ejus, & beatissimam prædicaverunt, vir ejus, & laudavit eam. Multæ filiæ congregaverunt divitias, tu supergressa es universas. Fallax gratia, & vana est pulchritudo, mulier timens Dominum, ipsa laudabitur. Date ei de fructu manuum suarum, & laudent eam in portis opera ejus.

Graduale.

Vultum tuum deprecabuntur omnes, divites plebis, filiæ Regum in honore tuo. *Ps.*
Adducentur Regi Virgines post eam, proximæ ejus afferentur tibi in lætitia, & exultatione adducentur in templum Regis.

Tractus.

Veni sponsa Christi, accipe coronam, quam tibi Dominus præparavit in æternum. *Psalm. 44.* Dilexisti justitiam, & odisti iniquitatem, propterea unxit te Deus, Deus tuus oleo lætitiæ præconfortibus tuis. *Ps.*
Specie tua & pulchritudine tua intende, prospere procede, & regna,

Sequentia Sancti Evangelii secundum Matthæum. *Matth. 13.*

In illo tempore: dixit Jesus Discipulis suis parabolam hanc. Simile est Regnum Cœlorum thesauro abscondito in agro, quem qui invenit homo, abscondit, & præ gaudio illius vadit, & vendit universa quæ habet, & emit agrum illum. Iterum simile est Regnum Cœlorum homini negotiatori, quærenti bonas margaritas. Inventa autem una pretiosa margarita, abiit & vendidit omnia, quæ habuit, & emit eam. Iterum simile est Regnum Cœlorum sagenæ missæ in mare, & ex omni genere piscium congreganti. Quam cum impleta esset, educentes & secus littus sedentes, elegerunt bonos in vasa, malos autem foras miserunt. Sic erit in consummatione sæculi. Exhibunt Angeli, & separabunt malos de medio justorum, & mittent eos in caminum ignis, ibi erit fletus, & stridor dentium. Intellexistis hæc omnia? Dicunt ei: etiam. Ait illis: Ideo omnis scriba doctus in regno cœlorum, similis est homini patrifamilias, qui profert de thesauro suo nova & vetera.

Offertorium.

Non enim judicavi me scire aliud, nisi Jesum Christum, & hunc Crucifixum.

Secreta.

Per hæc sacra Mysteria concede nobis Domine, ut sicut Beatæ Helenæ misericorditer tribuisti, ut Filium tuum Crucifixum in corde semper gestaret, ita & nos eum in cordibus nostris perpetuo defermus. Per eundem.

In Quadragesima commem. Feriæ & Præfatio Quadrages.

Communio.

Ascendam in Palmam, & apprehendam fructus ejus.

Postcommunio.

Concede nobis misericors Deus, ut qui salutiferæ Crucis tuæ fructu in terram sumus recreati, per intercessionem Beatæ Helenæ

Helena eodem jugiter perfrui mereamur
in Cœlis. Qui vivis &c.

**In Quadragesima commemoratio Ferie
& ultimum Evangelium de eadem.**

Die iv. Martii.

In festo S. Casimiri Confessoris, **duplex.**

**Missa. Os justii. de Communi Conf. non
Pontificis.**

ORATIO.

DEUS, qui inter regales delicias intactum
a mundi illecebris spiritum sancti Ca-
simiri Confessoris tui conservasti: fac, qua-
sumus: ut tui fideles ita in tuo amore fir-
mentur, ut & terrena despiciant, & ad cœ-
lestia semper aspirent. Per Dominum.

**Pro commemoratione sancti Lucii Papæ,
& Martyris.**

ORATIO.

DEUS, qui nos beati Lucii martyris tui
atque Pontificis annua solemnitate læ-
tificas: concede propitius: ut cujus natali-
tia colimus, de ejusdem etiam protectione
gaudeamus. Per Dominum.

Secreta.

Suscipe, misericors DEUS, hæc tuæ ple-
bis obsequia, & cœlestia munera expe-
dantis petitionis propitius exaudi. Per.

De sancto Lucio.

Secreta.

Munera tibi Domine dicata sanctifica:
& intercedente beato Lucio martyre
tuo atque Pontifice, per eadem nos placatus
intende. Per Dominum.

Postcommunio.

Cœlesti alimonia satiati, ad te Domine
cuncti confugimus, ut qui multorum
criminum pondere premimur, per sancti
Casimiri merita ad te levemur. Per Dom.

Pro commemoratione S. Lucii.

Postcommunio.

Hæc nos communio, Domine, purget
a crimine: & intercedente beato Lu-
cio martyre tuo atque Pontifice, cœlestis
remedii faciat esse confortes. Per Dom.

Die v. Martii.

In festo Translationis sancti Wenceslai
martyris. **duplex.**

Introitus.

Lætabitur justus in Domino, & spera-
bit in eo, & laudabuntur omnes recti
corde. **Psalms. Exaudi DEUS oratio-**
nem meam, cum deprecor: a timore inimici
eripe animam meam.

✠. Gloria Patri.

ORATIO.

DEUS, qui beati Wenceslai nobilitatem
in meliorem mutasti dignitatem, &
eum per martyrii palmam ad cœlestem per-
duxisti gloriam: ejus precibus nos quaesu-
mus ab omni adversitate libera, & æternæ
beatitudinis concede perfrui gloria. Per
Dominum nostrum.

Lectio Epistolæ beati Petri Apostoli.

Charissimi: Communicantes Christi pas-
sionibus gaudete: ut & in revelatione
gloriæ ejus gaudeatis exultantes. Si ex-
probramini in nomine Christi, beati eritis:
quoniam quod est honoris, gloriæ, & vir-
tutis DEI, & qui est ejus spiritus, super vos
requiescit. Nemo autem vestrum patiat
ut homicida; aut fur, aut maledicus, aut ali-
enorum appetitor. Si autem ut Christia-
nus, non erubescat: glorificet autem Deum
in isto nomine. Quoniam tempus est, ut
incipiat iudicium a domo DEI. Si autem
primum a nobis: quis finis eorum, qui non
credunt Dei Evangelio? Et si justus vix sal-
vabitur, impius, & peccator ubi parebunt?
Itaque hi, qui patiuntur secundum volun-
tatem DEI, fideli creatori commendent
animas suas in benefactis.

Graduale. Justus cum ceciderit, non col-
lidetur: quia Dominus supponit manum su-
am. **✠. T**ota die miseretur, & commodat:
& semen ejus in benedictione erit.

Traetus. Beatus vir, qui timet Domi-
num: in mandatis ejus cupit nimis. **✠. P**o-
tens in terra erit semen ejus, generatio re-
storum benedicetur. **✠. G**loria, & divitiæ
in domo ejus: & justitia ejus manet in sæ-
culum sæculi.

Sequentia sancti Evangelii secundum
Matthæum.

IN illo tempore: Dixit JESUS Discipulis
suis. Si quis vult post me venire, abne-
get semetipsum, & tollat crucem suam, &
sequatur me. Qui enim voluerit animam
suam salvam facere, perdet eam. Qui au-
tem perdidit animam suam propter me,
inveniet eam. Quid enim prodest homi-
ni, si mundum universum lucretur, animæ
vero suæ detrimentum patiat? Aut quam
dabit homo commutationem pro anima sua?
Filius enim hominis venturus est in gloria
Patris sui cum Angelis suis: & tunc reddet
unicuique secundum opera ejus.

Credo.

Offertorium.

Posuisti Domine in capite ejus coronam
de lapide pretioso: vitam petiit a te, & tri-
buidisti ei.

Secreta.

Acepta sit in conspectu tuo, Domine,
nostra devotio: & ejus nobis fiat sup-
plicatione salutaris, pro cujus solemnitate
defertur. Per Dominum.

Communio.

Qui mihi ministrat, me sequatur: & ubi
sum ego, illic & minister meus erit.

Postcommunio.

Refecti participatione muneris sacri,
quæsumus Domine Deus noster: ut
cujus exequimur cultum, intercedente bea-
to Wenceslao martyre tuo, sentiamus effe-
ctum. Per Dominum.

Die ix. Martii.

S. Catharinæ Bononiensis, Ordin. S. Fran-
cisci Minor. **Dupl. in Diœc. Varmien.**

Missa ex Communi Virginum. Dillexisti.

ORATIO.

DEUS, qui Ecclesiam tuam beatæ Ca-
tharinæ Virginis præclaris decoras me-
ritis, & gloriosis lætificas miraculis: conce-
de nobis famulis tuis, ut & exemplis ejus
in melius reformemur, & patrocínio ab om-
nibus adversis protegamur. Per Dominum
nostrum.

Die x. Martii.

In festo sanctorum Cyrilli, & Methodii Con-
fessorum, & Pontificum, in **Diœcesi**
Gnesn. Semidupl. in Præmislien.
Duplex.

Missa. Sacerdotes. De Communi Conf.
Pontif.

ORATIO.

OMnipotens sempiternæ DEUS, qui nos
per beatos Pontifices, & Confessores
tuos Cyrillum, & Methodium ad unitatem
fidei Christianæ vocare dignatus es, præsta;
quæsumus: ut qui præsentem eorum festivitatem
lætatur, ipsorum etiam meritis gloriam
consequi mereamur æternam. Per Dom.

Tractus.

Qui seminant in lacrymis, in gaudio me-
tent. **v. Euntes ibant, & flebant, mittentes**
femina sua. R. Venientes autem venient
cum exultatione, portantes manipulos suos.

Offertorium.

Mirabilis DEUS in sanctis suis: DEUS
Israël, ipse dabit virtutem, & fortitudinem
plebi suæ: benedictus Deus.

Secreta.

Oblatis, quæsumus Domine, placare mu-
neribus: & intercedentibus sanctis
tuis Cyrillo, & Methodio, a cunctis nos de-
fende periculis. Per Dominum.

Communio.

Quod dico vobis in tenebris, dicite in
lumine, dicit Dominus; & quod in aure
auditis; prædicate super tecta.

Postcommunio.

Præsta nobis, quæsumus Domine, inter-
cedentibus sanctis Confessoribus tuis
Cyrillo, & Methodio, ut quod ore contin-
gimus, pura mente capiamus. Per Domi-
num nostrum.

Die xvii. Martii.

S. Gertrudis virginis.

Semiduplex in Diœcesi Gnesnensi &
Culmensi.

Missa. Dillexisti. Oratio. Indulgentiam
tuam. dempto & Martyr. de Comm. Virg.
Die

Die xviii. Martii.

S. Gabrielis Arch-Angeli, **duplex.**
Missa ut in Additamento Missalis.

Die xxiii. Martii.

S. Catharinæ Vastanensis Virginis **duplex.**
Missa. Dilexisti de Comm. Virg.

ORATIO.

DEUS, qui Ecclesiam tuam beatæ Catharinæ Virginis præclaris decoras meritis, & gloriosis lætificas miraculis: concede nobis famulis tuis, ut & exemplis ejus in melius reformemur, & patrocínio ab omnibus adversis protegámur. Per Dominum nostrum.

FESTA APRILIS.

Die xxiii. Aprilis.

In festo sancti Adalberti Episcopi & Martyris, **duplex.**

Introitus.

Protexisti me **DEUS** a conventu malignantium, alleluja: a multitudine operantium iniquitatem alleluja, alleluja. **Psal.** Exaudi **DEUS** orationem meam, cum deprecor: a timore inimici eripe animam meam. **Glória Patri. Protexisti.**

ORATIO.

Tuam nobis indulgentiam, quæsumus Domine, beatus Adalbertus Episcopus & Martyr imploret: ut & delicta nobis clementer ignoscas, & beneficia desiderata concedas. Per Dominum.

Lectio Epistolæ beati Pauli Apostoli ad Hebræos. **ad Hebr. c. 5.**

FRatres: Omnis Pontifex ex hominibus assumptus, pro hominibus constituitur in iis, quæ sunt ad **DEUM**: ut offerat dona, & sacrificia pro peccatis. Qui condolere possit iis, qui ignorant, & errant: quoniam & ipse circumdatus est infirmitate. Et propterea debet, quemadmodum pro populo ita etiam & pro semetipso offerre pro peccatis. Nec quisquam sumit sibi honorem: sed qui vocatur a **DEO**, tamquam Aaron. Sic & Christus non semetipsum clarificavit,

ut Pontifex fieret: sed qui locutus est ad eum: Filius meus es tu, ego hodie genui te. Quemadmodum & in alio loco dicit: Tu es sacerdos in æternum, secundum ordinem Melchisedech.

Alleluja, alleluja. V. Surrexit Pastor bonus, qui posuit animam suam pro ovibus suis, & pro grege suo mori dignatus est. Alleluja. V. Posuisti Domine super caput ejus coronam de lapide pretioso. Alleluja.

Sequentia sancti Evangelii secundum Joannem. Joan. c. 10.

IN illo tempore: Dixit **JESUS** Pharisæis: Ego sum pastor bonus. Bonus pastor animam suam dat pro ovibus suis. Mercenarius autem, & qui non est pastor, cujus non sunt oves propriæ, videt lupum venientem, & dimittit oves, & fugit: & lupus rapit, & dispergit oves. Mercenarius autem fugit, quia mercenarius est: & non pertinet ad eum de ovibus. Ego sum pastor bonus: & cognosco oves meas, & cognoscunt me meæ. Sicut novit me Pater, & ego agnosco Patrem: & animam meam pono pro ovibus meis. Et alias oves habeo, quæ non sunt ex hoc ovili: & illas oportet me adducere, & vocem meam audient: & fiet unum ovile, & unus pastor.

Credo.

Offertorium.

Posuisti Domine in capite ejus coronam de lapide pretioso vitam petiit a te, & tribuisti ei, alleluja.

Secreta.

SAcrificium exhibitum, quæsumus Domine, benignus assume: ut quod nomini tuo in solemnitate beati Adalberti Martyris tui, atque Pontificis deferimus, nobis prosit ad veniam. Per Dominum.

Communio.

Ego sum pastor bonus, alleluja: & cognosco oves meas, & cognoscunt me meæ, alleluja, alleluja.

Postcommunio.

Refecti, Domine muneribus sacris, supplices te deprecamur: ut indulgentiam

tiam tuam nobis intercessio beati Adalberti Martyris tui atque Pontificis semper imploret. Per Dominum nostrum JESUM Christum Filium tuum. Qui tecum vivit, & regnat in unitate Spiritus Sancti Deus.

Die xxiv. Aprilis.

S. Georgii Martyris.

Semidupl. in Lithuania duplex, celebraturque xxiii. April. Translato in xxiv. Festo S. Adalberti.

Missa. Protexisti.

Dominica iii. post Pascha.

Festum Patrocinii. S. Joseph, **duplex.**

Missa propr. in fine Missal.

FESTA MAJI.

Die ii. Maji.

In festo S. Sigismundi, Regis, & Martyris.

Duplex in Diœcesi Plocensi.

Missa. Protexisti. De Commun. Martyr. tempore Paschal.

ORATIO.

DEUS, qui beatum Sigismundum Regem, temporali, & æterno diademate cum desiderata martyrii corona honorare dignatus es: tribue, quæsumus, ut qui ejus merita veneramur in terris, ipsius intercessione ab omnibus protegatur adversis. Per Dominum.

Secreta.

Concede quæsumus Rex æterne: ut hujus sacrificii munus oblatum, interventu sancti Sigismundi Regis & Martyris, fragilitatem nostram ab omni adversitate semper protegat, & muniat. Per Dom.

Postcommunio.

Purificent nos, quæsumus Rex æterne, tua percepta sacramenta: & intercessione beati Sigismundi Regis, & Martyris tui, ab omni malo expiatis, tibi nos reddant acceptos. Per Dominum.

Die iv. Maji.

In festo S. Floriani Martyris, **duplex.**

Missa. Protexisti. De Commun. Mart. temp. Pasch.

ORATIO.

DEUS, qui nos beati Floriani Martyris tui solemnitate lætificas: concede propitius: ut cujus gloriosum triumphum veneramur in terris, societatis ejus lætitiâ adipisci mereamur in cœlis. Per Dom.

Secreta.

Hanc oblationis hostiam, quæsumus omnipotens DEUS, beati Floriani Martyris tui, digna commendet oratio: qui sancto charitatis tuæ devictus amore, propriam sui corporis hostiam in odorem suavitatis tibi obtulit vivam. Per Dom.

Postcommunio.

Sancta nos, quæsumus Domine, sacramenti cœlestis participatio, & ab hostium callido tueatur incurfu: & sancto Florianiano intercedente, nobis remedia salutis conferant sempiterna. Per Dom.

Die viii. Maji.

In festo S. Stanislai Episcopi, & Martyris, **duplex.**

Missa. Protexisti. ut xxiii. April. supra. oratio, Secreta, & Postcomm. ut in Romano.

Die xiii. Maji.

In festo S. Servatii Ep. Conf. **dupl. in Diœcesi Gnesnensi.**

Missa. Statuit.

ORATIO.

DEUS, qui populo tuo sanctum dedisti Servatium prædicatorem, concede quæsumus, ut nos tanti Pontificis intercessione, & tuæ pietatis defensione, ab omnibus ubique liberemur adversis, & tranquilla prosperitate, in tua jugiter laude lætemur. Per Dominum.

Die xvi. Maji.

In festo S. Joannis, Nepomuceni Martyris **duplex in fine Missal.**

Vel Missa. Protexisti. De Commun. martyr. tempore Paschali. extra tempus Pasch. Missa. Lætabitur.

ORATIO.

DEUS, qui ob invictum beati Joannis sacramentale silentium nova Ecclesiam tuam martyrii corona decorasti: da nobis

bis ejus intercessione, & exemplo linguam caute custodire; ac omnia potius mala, quam animæ detrimentum, in hoc sæculo tolerare. Per Dominum.

Secreta.

Per hæc tua, Domine, sacra Myſteria illo nos charitatis igne accendamus, quo inclytus Martyr Joannes eadem peragendo flagrabat. Per Dominum.

Postcommunio.

Spiritum, Domine, fortitudinis hæc nobis tribuat mensa cœlestis, quæ beati Martyris tui Joannis per Sacramenti tentatam constantiam, jugiter aluit ad victoriam Per Dominum nostrum. In unitate ejusdem.

Alia Missa propria.

Introitus.

Dedit mihi Dominus linguam mercedem meam: & in ipsa laudabo eum. Alleluja, Alleluja.

Pſalmus. Dixi: Custodiam vias meas: ut non delinquam in lingua mea. **Gloria Patri &c. Dedit &c.**

ORATIO. Deus, qui &c.

Lectio Libri Sapientiæ.

Stultus a fenestra respiciet in domum: vir autem eruditus foris stabit. Stultitia hominis auscultare per ostium: & prudens gravabitur contumelia. Labia imprudentium stulta narrabunt: verba autem prudentium statera ponderabuntur. In ore fatuorum cor illorum; & in corde sapientium os illorum. Dum maledicit impius diabolum, maledicit ipse animam suam. Sufurro coinquinabit animam suam, & in omnibus odietur; & qui cum eo manserit, odiosus erit: tacitus & sensatus honorabitur.

Tempore Paschali.

Alleluja, Alleluja. **Ps.** Beatus, qui lingua sua non est lapsus, & qui non servivit indignis se. Alleluja.

Ps. Lingua pravorum peribit. Lingua autem sapientum est sanitas. Alleluja.

Extra Tempus Paschale.

Graduale. Qui ambulat fraudulenter, revelat arcana: qui autem fidelis est animi, celat.

Ps. Domine, quis habitabit in tabernaculo tuo, aut quis requiescet in monte sancto tuo? Qui non egit dolum in lingua sua, nec fecit proximo suo malum. Alleluja, Allel.

Ps. Beatus qui lingua sua non est lapsus, & qui non servivit indignis se. Alleluja.

Sequentia S. Evangelii secundum Matth.

In illo tempore: Cum audisset Joannes ex Discipulis suis, ait illi: Tu es qui venturus es, an alium expectamus? Et respondens JESUS ait illis: Euntes renuntiate Joanni quæ audistis & vidistis. Cæci vident, claudi ambulant, leprosi mundantur, surdi audiunt, mortui resurgunt, pauperes evangelizantur: & beatus qui non fuerit scandalizatus in me. Illis autem abeuntibus, cœpit JESUS dicere ad turbas de Joanne: Quid existis in desertum videre? arundinem vento agitatam? Sed quid existis videre? hominem mollibus vestitum? Ecce qui mollibus vestiuntur, in domibus Regum sunt. Sed quid existis videre? Prophetam? etiam dico vobis, & plus quam Prophetam. Hic est enim, de quo scriptum est: Ecce ego mitto Angelum meum ante faciem tuam, qui præparabit viam tuam ante te.

Offertorium. Non duplices sermonem de revelatione sermonis absconditi; & eris vere sine confusione: & invenies gratiam in conspectu omnium hominum. All. All.

Secreta: Per hæc &c.

Commun. Volavit ad me unus de Seraphim; & in manu ejus calculus, quem tulerat de altari: & tetigit os meum. Allel. All. **Postcomm.** Spiritum, Domine, &c.

Die xviii. Maji.

S. Erici Regis & Mart.

Missæ. Protexisti, duplex.

ORATIO.

DEUS, qui beato Erico, Regi & Martyri tuo, victoriæ palmam & cœlestis regni gloriam contulisti: fac nos, quæsumus ejus meritis, & intercessione cuncta nobis adversantia vincere, & coronam gloriæ in cœlis feliciter obtinere. Per Dom.

Dominica ii. post Pascha.
De SS. Sepulchro D. N. J. C.

Introitus Isaia. ii.

IN die illa erit radix Jesse, qui stat in signum populorum, ipsum gentes deprecabuntur, Alleluja. Et erit Sepulchrum ejus gloriosum, Alleluja. Alleluja. **Psalm. 45.**

Fluminis impetus latificat civitatem Dei: Sanctificavit Tabernaculum suum Altissimus. **Gloria Patri, In die illa &c.**

Dicitur, Gloria in excelsis.

ORATIO.

Domine JESU Christe, qui pro nobis mortem subire, & in Sepulchro depositus, tertia die resurgere voluisti, concede famulis tuis, ut qui Sepulchri Tui memoriam recolimus; Resurrectionis tuæ participes esse mereamur. Qui vivis.

Commemor. Dnicæ 2dæ post Pascha.

Lectio Actuum Apostolorum. cap. 13.

IN diebus illis: Surgens Paulus, & manu silentium indicens ait: Viri Fratres, Filii generis Abraham & qui in vobis timent DEum, vobis verbum salutis hujus missum est. Qui enim habitabant Jerusalem & principes ejus, ignorantes JESUM & voces Prophetarum, quæ per omne Sabbatum leguntur, judicantes impleverunt, & nullam causam mortis invenientes in eo, petierunt a Pilato, ut interficerent eum. Cumque consummassent omnia, quæ de eo scripta erant, deponentes eum de ligno, posuerunt eum in monumento. DEus vero suscitavit eum a mortuis tertia die: qui visus est per dies multos his, qui simul ascenderant cum eo de Galilæa in Jerusalem: qui usque nunc sunt testes ejus ad plebem.

Alleluja, allel. Job. cap. 3. Qui expectant mortem, & non venit, quasi effodientes thesaurum; gaudentque vehementer, cum invenerint Sepulchrum, **Alleluja.**

Joan. cap. 20. Urrebant duo simul, & ille alius Discipulus præcucurrit citius Petro, & venit primus ad monumentum. **Alleluja,**

Sequentia S. Evangelii secundum Lucam.
Lucæ 24.

Una Sabbati valde diluculo, venerunt mulieres ad monumentum, portantes quæ paraverunt aromata, & invenerunt lapidem revolutum a monumento, & ingressæ non invenerunt Corpus Domini JESU. Et factum est, dum mente consternatæ essent de isto, ecce duo Viri steterunt secus illas in veste fulgenti. Cum timerent autem, & declinarent vultum in terram, dixerunt ad illas: Quid quæritis Viventem cum mortuis? Non est hic, sed surrexit. Recordamini qualiter locutus est vobis, cum adhuc in Galilæa esset, dicens: Quia oportet Filium hominis tradi in manus hominum peccatorum & crucifigi, & die tertia resurgere. Et recordatæ sunt verborum ejus, & regressæ a monumento, nuntiaverunt hæc omnia illis undecim, & cæteris omnibus. Erat autem Maria Magdalene, & Joanna, & Maria Jacobi, & cæteræ, quæ cum eis erant, quæ dicebant ad Apostolos hæc: Et visa sunt ante illos, sicut deliramentum verba ista, & non crediderunt illis. Petrus autem surgens, cucurrit ad monumentum, & procumbens vidit linteamina sola posita, & abiit secum mirans, quod factum fuerat.

Credo.

Offertorium.

Pf. 41. Transibo in locum Tabernaculi admirabilis usque ad Domum Dei, **Alleluja.**

Secreta.

DEus, qui per depositionem Sanctissimi Corporis Filii Tui in Sepulchro, idem Sepulchrum sanctificasti, concede quaesumus, ut in hoc Sepulchro anima & corde habitemus. Per eundem.

Commemoratio Dominicæ.

Præfatio de Resurrectione.

Te quidem Domine omni tempore.

Communitio Sap. 9.

Beatus qui audit me, & qui vigilat ad fores meas quotidie, & observat ad postes ostii mei. Alleluja.

Post.

Postcommunio.

DEUS, qui nos Sancti Sepulchri Filii Tui laetari facis honore, præsta quæsumus, ut in eodem sepulti, mundo moriamur, & Tibi soli vivamus. Per eundem.

Commemor. Domin. & Evang. ultimum.

Die xxv. Maji.

In festo S. Joannis de Predo Martyr. **semid.**

ORATIO.

DEUS, qui contra Mahometicam pravitatem beatum Joannem Præconem eximium effecisti, concede: ut sicut ipse pro tuæ fidei dilatione Martyrii palmam meruit obtinere; sic nos ejus intercessione fidei nostræ præmia consequi mereamur. Per Dominum.

FESTA JUNII.

Die iii. Junii.

In festo S. Erasmi Episcopi, & Martyris.

duplex in Diocesi Plocenf. alibi ad libit.

Missa de Comm. Mart. Pont. pro divers. tempor.

ORATIO.

DEUS, cujus virtute beatus Erasmus Martyr, & Pontifex, multa tormentorum genera superavit: fac nos, quæsumus, ejus intercessione, universas insidias inimicorum nostrorum visibilium, & invisibilium cum gaudio superare, & in Christo bonis operibus abundare. Per Dominum.

Secreta.

MUnera tibi Domine dicata sanctifica: & intercedente beato Erasmo Martyre tuo atque Pontifice, per eadem nos placatus intende. Per Dominum.

Postcommunio.

Refecti participatione muneris sacri, quæsumus Domine DEUS noster: ut cujus exequimur cultum, intercedente beato Erasmo Martyre tuo, atque Pontifice sentiamus effectum. Per Dominum.

Die xiii. Junii.

In festo S. Antonii de Padua, Conf.

Missa ut in Missali Rom. suo ordine.

Die xvi. Junii.

S. Bennonis Episcopi Conf. **duplex.**

Missa, Statuit. De Comm. Conf. Pont.

ORATIO.

DEUS, qui nos beati Bennonis Pontificis confessione gloriosa circumdas, & protegis: da nobis & ejus imitatione proficere, & intercessione gaudere. Per Dom.

Die xix. Junii.

S. Bonifacii Episcopi Mart. **Semiduplex.**

Missa ex Comm. unius Mart. Pont.

Die xxi. Junii.

S. Aloysii Gonzaga Conf. non Pont. **duplex, in fine Missalis.**

Die xxii. Junii.

In festo S. Æschili Episcopi & Martyris

duplex.

Missa, Sacerdotes. De Comm. Mart. Pontif.

ORATIO.

DEUS, qui beatum Æschilum Pontificem tuum, pro fidei dilatatione martyrium subire voluisti: præsta quæsumus; ut omnes, qui ejus implorant auxilium, petitionis suæ salutarem consequantur effectum. Per Dominum.

Die xxvii. Junii.

S. Ladislai Regis Hungariæ Conf. **duplex**

in Diocesi Vilnensi, Samogit. & Livoniæ.

Missa ex xxv. August. Festo S. Ludovici Confessoris.

ORATIO.

DEUS, qui beatum Regem Ladislaum Confessorem tuum diversis decorasti miraculis, præsta quæsumus, ut ejus suffragantibus meritis, ab omnibus semper muniamur adversis, & gaudiis perfruamur æternis. Per Dominum.

Dominica prima post Octavam SS. Petri & Pauli Apostolorum, celebratur Festum Sanctorum Patronorum Regni Sueciæ.

Introitus

GAudeamus omnes in Domino, diem festum celebrantes sub honore Sanctorum omnium, de quorum solemnitate gaudent Angeli, & collaudant Fili-

D

um

um DEI. Psalm. Exultate Justi in Domino: rectos decet collaudatio. *ψ.* Gloria Patri.

ORATIO.

Infirmi-
tatem nostram, quæsumus Domine, propitius respice: & mala omnia, quæ pro peccatis nostris juste meremur, Sanctorum tuorum hujus Regni Patronorum intercessione clementer averte. Per Dominum.

Lectio libri Sapientiæ.

Justorum animæ in manu DEI sunt, & non tanget illos tormentum mortis. Visi sunt oculis insipientium mori: & æstimata est afflictio exitus illorum; & quod a nobis est iter, exterminium: illi autem sunt in pace. Et si coram hominibus tormenta passi sunt, spes illorum immortalitate plena est. In paucis vexati, in multis bene disponentur: quoniam DEUS tentavit eos, & invenit eos dignos se. Tamquam aurum in fornace probavit illos, & quasi holocausti hostiam accepit illos, & in tempore erit respectus illorum. Fulgebunt justi, & tamquam scintillæ in arundineto discurrent. Judicabunt nationes, & dominabuntur populis, & regnabit Dominus illorum in perpetuum.

Graduale.

Timete Dominum omnes Sancti ejus: quoniam nihil deest timentibus eum. *ψ.* Inquirentes autem Dominum non deficient omni bono. Alleluja, alleluja. *ψ.* Venite ad me omnes, qui laboratis, & onerati estis, & ego reficiam vos. Alleluja.

Sequentia sancti Evangelii secundum Joannem.

In illo tempore: Videns JESUS turbas, ascendit in montem; & cum sedisset, accesserunt ad eum discipuli ejus: & aperiens os suum, docebat eos, dicens: Beati pauperes spiritu: quoniam ipsorum est regnum cælorum. Beati mites: quoniam ipsi possidebunt terram. Beati, qui lugent: quoniam ipsi consolabuntur. Beati, qui esuriunt, & sitiunt justitiam; quoniam ipsi saturabuntur. Beati misericordes: quoniam

ipsi misericordiam consequentur. Beati mundo corde: quoniam ipsi DEUM videbunt. Beati pacifici: quoniam filii DEI vocabuntur. Beati, qui persecutionem patiuntur propter justitiam: quoniam ipsorum est regnum cælorum. Beati estis, cum maledixerint vobis, & persecuti vos fuerint, & dixerint omne malum adversum vos, mentientes, propter me: gaudete, & exultate, quoniam merces vestra copiosa est in cælis.

Credo.

Offertorium.

Justorum animæ in manu DEI sunt, & non tanget illos tormentum malitiæ: visi sunt oculis insipientium mori, illi autem sunt in pace.

Secreta.

Munera tibi, Domine, nostræ devotionis offerimus: quæ & pro cunctorum tibi grata sint honore justorum, & nobis salutaria, te miserante, reddantur. Per Dom.

Communio.

Beati mundo corde, quoniam ipsi Deum videbunt: beati pacifici, quoniam filii DEI vocabuntur: beati, qui persecutionem patiuntur propter justitiam, quoniam ipsorum est regnum cælorum.

Postcommunio.

DA, quæsumus Domine DEUS noster: ut sicut tuorum commemoratione Sanctorum, temporali gratulamur officio; ita perpetuo latemur aspectu. Per Dom.

FESTA JULII.

Die vii. Julii.

S. Pulcheriæ Imperatricis Virg. *duplex majus pro tota Societate JESU, & aliis in ejus Eccl. vel oratoriis celebrantibus concessit S. D. N. Benedictus XIV. 2. Febr. ann. 1752.*

Introitus.

Vultum tuum deprecabuntur omnes divites plebis. adducentur Regi virgines post eam: proximæ ejus adducentur tibi in lætitia, & exultatione *Psal. 44. Eructavit cor meum verbum bonum: dico ego opera mea Regi. ψ. Gloria Patri, Vultum &c.*

ORA-

ORATIO.

DEUS, qui beatam Pulcheriam Virginem tuam singulari castitatis prærogativa decorasti, quique illi ad defendendam Ecclesiam tuam summum Fidei amorem tribuere voluisti; concede, ut ejus intercessione tibi puris mentibus inhærentes, ab omnium hostium insidiis misericorditer liberemur. Per Dominum.

Lectio Epistolæ beati Pauli Apostoli ad Corinthios. **i. cap. 7.**

FRatres, de virginibus præceptum Domini non habeo: consilium autem do, tanquam misericordiam consecutus a Domino, ut sim fidelis. Existimo ergo hoc bonum esse propter instantem necessitatem: quoniam bonum est homini sic esse. Alligatus es uxori? noli quærere solutionem. Solutus es ab uxore? noli quærere uxorem. Si autem acceperis uxorem, non peccasti. Et si nupserit virgo, non peccavit. Tribulationem tamen carnis habebunt hujusmodi. Ego autem vobis parco. Hoc itaque dico, fratres: tempus breve est. Reliquum est, ut & qui habent uxores, tamquam non habentes sint.

Graduale.

Specie tua, & pulchritudine tua: intende, prospere procede, & regna. **ψ.** Propter veritatem, & mansuetudinem, & justitiam: & deducet te mirabiliter dextera tua. Alleluja, alleluja. **ψ.** Filiæ regum in honore tuo, astitit Regina a dextris tuis in vestitu deaurato, circumdata varietate. **Allel.**

Sequentia sancti Evangelii secundum Joannem. **cap. 17.**

IN illo tempore dixit JESUS: Hæc est autem vita æterna, ut cognoscant te solum Deum verum, & quem misisti JESUM Christum. Ego te clarificavi super terram, opus consummavi, quod dedisti mihi ut faciam. Et nunc clarifica me tu Pater apud te ipsum claritate, quam habui, priusquam mundus esset apud te. Manifestavi nomen tuum hominibus, quos dedisti mihi de mundo: tui erant, & mihi eos dedisti, & sermonem tuum servaverunt. Nunc

cognoverunt, quia omnia, quæ dedisti mihi, abs te sunt: quia verba, quæ dedisti mihi, dedi eis, & ipsi acceperunt, & cognoverunt vere quia a te exivi, & crediderunt, quia tu me misisti.

Offertorium.

Tu gloria Hierusalem, tu lætitia Israël, tu honorificentia populi nostri; quia fecisti viriliter, & confortatum est cor tuum, eo quod castitatem amaveris.

Secreta.

Accepta tibi sit, Domine, sacratæ plebis oblatio pro tuorum honore sanctorum, quorum se meritis de tribulatione percepisse cognoscit auxilium. Per Dom.

Communio.

O quam pulchra est casta generatio cum claritate: immortalis est enim memoria illius: quoniam, & apud Deum nota est, & apud homines.

Postcommunio.

Satiasti, Domine, familiam tuam muneribus sacris: ejus, quæsumus, semper interventione nos refove, cujus solemnia celebramus. Per Dominum.

Die ix. Julii.

SS. Martyrum Gorcomiensium, **duplex in Dicec. Posnaniensi Plocensi & Varmiensi ad libit.**

Missa. Intret in conspectu. De Comm. Martyr.

ORATIO.

DEUS, qui beatorum Martyrum tuorum Nicolai & sociorum ejus, gloriosum pro fide tua certamen æternitatis laurea decorasti, concede propitius, ut eorum meritis & imitatione certantes in terris cum ipsis coronari mereamur in cœlis. Per Dom.

Die xiii. Julii.

S. Margaritæ Virginis, & Martyris, **duplex. Missa. Me expectaverunt. De Comm. Virg. & Mart.**

Die xv. Julii.

In festo Divisionis SS. Apostolorum, **dupl. Missa. Mihi autem nimis. Evang. Convocatis. Ex festo S. Marci xxv. April.**

ORATIO

DEUS, qui Ecclesiam tuam distributam per orbem terrarum, sanctorum Apostolorum prædicatione fundasti: concede propitius: ut quorum hodierna die sub una cebritate recolimus insignia, eorum in necessitatibus nostris experiamur suffragia. Per Dominum.

Secreta.

GLoriam. Domine, sanctorum Apostolorum tuorum perpetuam in eorum divisione recensentes, quæsumus: ut eam, sacris mysteriis expiati, dignius celebremus. Per Dominum.

Præfatio de Apostolis.

Communio.

Vos, qui secuti estis me, sedebitis super sedes, judicantes duodecim tribus Israël.

Postcommunio.

Perceptis Domine sacramentis, suppliciter exoramus: ut intercedentibus beatis Apostolis tuis, quæ pro illorum veneranda gerimus commemoratione, nobis proficiant ad medelam. Per Dominum.

Die xv. Julii.

Commemor. S. Davidis Abbatis. **Ex Missa. Os justi. ut in Comm. Abbatum.**

Die xvi. Julii.

SS. Eremitarum Andreae & Benedicti Martyrum **duplex.**

Missa. Intret in conspectu. De Comm. plurim. Mart.

Die xviii. Julii.

S. Simonis de Lipnica Conf. **Semiduplex.**

Missa. Os justi. De Communi Confess. non Pontif.

ORATIO.

OMnipotens sempiterne DEUS, qui beatum Simonem Confessorem tuum Evangelica prædicationis gratia sublimasti, concede propitius; ut ejus salutaris doctrinæ pabulo nutriti, quæ tibi sunt placita exequentes, per semitas justitiæ ad cœlestem patriam feliciter pervenire valeamus. Per Dominum nostrum.

Die xix. Julii.

S. Joannis de Dukla Conf. **duplex.**

Missa. Os justi. De Comm. Conf. non Pontificis. ORATIO.

DEUS, qui beatum Joannem Confessorum tuum eximia humilitatis, & patientiæ donis decorasti: concede propitius ut ejusdem imitantes exempla, consequamur & præmia. Per Dominum.

Die xx. Julii.

S. Ceslai Conf. **duplex.**

Missa. Os justi. De Comm. Conf. non Pontif. Evang. Designavit Dominus. Ex Missa S. Marci xxv. April.

ORATIO.

DEUS, qui beatum Ceslaum virgineo morum candore præditum, & salutis animarum zelo succensum in diversis nationum populis, operum sanctitate, & fidei propagatione mirabilem effecisti: præsta quæsumus, ut ejus intercessione, simus semper in fide stabiles, & ad te, qui solus æternæ salutis author ac largitor, misericordiæ tuæ munere pervenire valeamus. Per Dominum.

Die xxiv. Julii.

S. Camilli de Lellis Conf. **duplex.**

Missa. Os justi. De Comm. Confess. non Pontificis. ORATIO.

DEUS, qui beatum Camillum, ad animarum in extremo agone luctantium subsidium, singulari charitatis prærogativa decorasti: ejus quæsumus, meritis, Spiritum nobis tuæ dilectionis infunde; ut in hora exitus nostri hostem vincere, & ad cœlestem mereamur coronam pervenire. Per Dominum nostrum JESUM CHRISTUM Filium tuum, qui tecum vivit & regnat in unitate ejusdem Spiritus Sancti Deus &c.

Dominica proxima post xxiv. Julii.

S. Cunegundæ Virginis **duplex.**

Missa. Dilexisti.

ORATIO.

DEUS, qui B. Cunegundam dulcedinis tuæ benedictionibus prævenisti, ac Virginem etiam in conjugio conservasti, præsta

præsta quæsumus, ut ipsa interveniente per vitæ puritatem, tibi jugiter adhærere, & per ejus vestigia gradientes, ad te pervenire feliciter mereamur. Per Dominum.

Die xxvi. Julii.

S. Christinæ Virg. Mart.
duplex in Diœcesi Posnaniens. Plocens.
Luceorienti, & Varmien.
Missæ. **Me expectaverunt. De Comm.**
Virg. & Mart.

Die xxviii. Julii.

S. Bodvidi Mart. **duplex.**
Missæ. **Lætabitur justus, ut in Communi**
Martyris.

ORATIO.

Cordibus nostris, quæsumus Domine, veræ fidei splendor illuceat: & beati Bodvidi Martyris tui salutaris intercessio ab instantibus periculis nos defendat. Per Dominum nostrum.

Secreta.

Accepta sit in conspectu tuo, Domine, nostra devotio: & eorum nobis fiat supplicatione salutaris, pro quorum solemnitate defertur. Per Dominum.

Communio.

Qui mihi ministrat, me sequatur: & ubi sum ego, illic & minister meus erit.

Postcommunio.

Refecti participatione muneris sacri, quæsumus Domine DEUS noster: ut, cujus exequimur cultum, intercedente beato Bodvido Martyre tuo, sentiamus effectum. Per Dominum.

Die xxix. Julii.

In festo S. Olavi Regis, & Martyris. **dupl.**
Missæ. **In virtute tua. De Comm. unius**
Mart. Evangelium ex Missa. Sacerdotes Dei.
Si quis vult post me venire.

ORATIO.

DEUS, qui es Regum corona: & Martyrum victoria: tribue nobis, quæsumus, beati Olavi Regis, & Martyris tui pia apud te experiri patrocina: ut per tuam, quam in ejus passione glorificamus, magni-

ficentiam, coronam vitæ diligentibus te percipiamus repromissam. Per Dominum.

Offertorium. **G**loria, & honore coronasti eum. Et constituisti eum super opera manuum tuarum Domine.

Secreta.

Muneribus nostris, quæsumus Domine, precibusque susceptis, & cœlestibus nos munda mysteriis, & clementer exaudi. Per Dominum.

Communio. **Q**ui vult venire post me, abneget semetipsum: & tollat crucem suam, & sequatur me.

Postcommunio.

DA quæsumus Domine DEUS noster: ut, sicut tuorum commemoratione Sanctorum temporali gratulamur officio; ita perpetuo lætemur aspectu. Per Dom.

Die xxxi. Julii.

In festo S. Helenæ, Viduæ & Mart. **dupl.**
Introitus.

ME expectaverunt peccatores, ut perderent me: testimonia tua Domine intellexi: omnis consummationis vidi finem: latum mandatum tuum nimis. **Psal.** **Beati immaculati in via: qui ambulant in lege Domini. V. Gloria.**

ORATIO.

LArgire nobis, quæsumus, clementissime DEUS intercessione beatæ Helenæ Martyris tuæ, veniam nostrorum peccatorum: & quos ejus concedis solemnibus gloriari, da ejus precibus gloriosis cœlitus adjuvari. Per Dominum.

Lectio libri Sapientiæ.

Mulierem fortem quis inveniet? Procul, & de ultimis finibus pretium ejus, Confidit in ea cor viri sui: & spoliis non indigebit. Reddet ei bonum, & non malum, omnibus diebus vitæ suæ. Quæsit lanam & linum: & operata est consilio manuum suarum. Facta est quasi navis institoris, de longe portans panem suum. Et de nocte surrexit, deditque prædam domesticis suis, & cibaria ancillis suis. Consideravit agrum, & emit eum: de fructu manuum suarum plantavit vineam, Accinxit forti-

tudine lumbos suos: & roboravit brachium suum. Gustavit, & vidit, quia bona est negotiatio ejus: non extinguetur in nocte lucerna ejus. Manum suam misit ad fortia: & digiti ejus apprehenderunt fufum. Manum suam aperuit inopi: & palmas suas extendit ad pauperem. Non timebit domui suæ a frigoribus nivis: omnes enim domestici ejus vestiti sunt duplicibus. Stragulatam vestem fecit sibi: byssus, & purpura indumentum ejus. Nobilis in portis vir ejus, quando federit cum senatoribus terræ. Sindonem fecit, & vendidit, & cingulum tradidit Chananaeo. Fortitudo, & decor indumentum ejus, & ridebit in die novissimo. Os suum aperuit sapientiæ: & lex clementiæ in lingua ejus. Consideravit semitas domus suæ: & panem otiosa non comedit. Surrexerunt filii ejus, & beatissimam prædicaverunt: vir ejus & laudavit eam. Multæ filiæ congregaverunt divitias: tu supergressa es universas. Fallax gratia, & vana est pulchritudo: mulier timens Dominum, ipsa laudabitur. Date ei de fructu manuum suarum: & laudent eam in portis opera ejus.

Graduale. Dilexisti justitiam, & odisti iniquitatem. *ψ.* Propterea unxit te DEUS, DEUS tuus oleo lætitiæ. Alleluja, alleluja. *ψ.* Specie tua, & pulchritudine tua: intende, prospere, procede, & regna. Alleluja.

Sequentia sancti Evangelii secundum Mathæum, c. 12.

IN illo tempore: Loquente JESU ad turbas, ecce mater ejus, & fratres stabant foris, quærentes loqui ei. Dixit autem ei quidam: Ecce mater tua, & fratres tui foris stant, quærentes te. At ipse, respondens dicenti sibi, ait: Quæ est mater mea, & qui sunt fratres mei? Et extendens manum in discipulos suos, dixit: Ecce mater mea, & fratres mei. Quicumque enim fecerit voluntatem Patris mei, qui in cœlis est, ipse meus frater, & soror, & mater est.

Offertorium. Diffusa est gratia in labiis tuis, propterea benedixit te DEUS in æternum, & in sæculum sæculi, alleluja.

Secreta:

Suscipe Domine munera, quæ in beatæ Helenæ Martyris tuæ solemnitate deferimus: cujus nos confidimus patrocinio liberari. Per Dominum.

Communio. Principes persecuti sunt me gratis, & a verbis tuis formidavit cor meum: lætabor ego super eloquia tua, & quasi qui invenit spolia multa.

Postcommunio.

Auxilientur nobis, Domine; sumptamysteria: & intercedente beata Helena Martyre tua, sempiterna faciant protectione gaudere. Per Dominum.

FESTA AUGUSTI.

Die ii. Augusti.

Commemoratio sanctæ Catharinæ Vastanensis Virg.

Missa. ut supra xxiii. Martii.

Die xvi. Augusti.

S. Rochi Confessoris, **duplex.**

Missa ex Communi Abbat.

ORATIO.

DEUS, qui gloriosus es in Sanctis tuis, quique cunctis ad eorum patrocinia confugientibus suæ petitionis salutarem præstas effectum; concede plebi tuæ, ut intercedente B. Rocho Confessore tuo, quæ in ejus commemoratione se devotam exhibet, a languore epidemiæ, quem in suo corpore pro tui nominis gloria passus est, sit libera; & tuo nomini semper sit devota. Per Dominum.

Dominica proxima post festum Assumptionis B. V. Mariæ.

S. Hyacinthi Confessoris, **duplex.**

Introitus.

OS justi meditabitur sapientiam, & lingua ejus loquetur judicium: lex Dei ejus in corde ipsius. **Psal.** Noli æmulari in malignantibus: neque zelaveris facientes iniquitatem. *ψ.* Gloria.

ORATIO.

Adesto Domine, supplicationibus nostris, quas in beati Hyacinthi Confessoris

foris tui solemnitate deferimus: ut qui nostræ justitiæ fiduciam non habemus, ejus, qui tibi placuit, precibus adjuvemur. Per Dominum.

Vel ORATIO.

DEUS, qui beatum Hyacinthum Confessorem tuum, in diversis nationum populis operum sanctitate, & miraculorum gloria fecisti conspicuum: da nobis, ut suis in melius reformemur exemplis; & in adversis protegatur auxiliis. Per Dom.

Secunda Oratio de Octava Assumptionis B. Mariæ. Famulorum tuorum.

Tertia de Octava S. Laurentii. Oratio.
Da nobis.

Lectio Epistolæ beati Pauli Apostoli ad Corinthios.

FRatres: spectaculum facti sumus mundo & Angelis, & hominibus. Nos stulti propter Christum: vos autem prudentes in Christo. Nos infirmi: vos autem fortes. Vos nobiles: nos autem ignobiles. Usque in hanc horam & esurimus & sitimus, & nudi sumus, & colaphis cædimur, & instabiles sumus, & laboramus operantes manibus nostris. Maledicimur: & benedicimus. Persecutionem patimur: & sustinemus. Blasphemamur: & obsecramus. Tanquam purgamenta hujus mundi facti sumus, omnium peripsēma usque adhuc. Non ut confundam vos, hæc scribo: sed ut filios meos charissimos moneo: in Christo Jesu Domino nostro.

Graduale: Justus ut palma florebit: sicut cedrus Libani multiplicabitur in domo Domini. **ψ.** Ad annuntiandum mane misericordiam tuam, & veritatem tuam per noctem. **Alleluja. alleluja. ψ.** Beatus vir, qui suffert tentationem, quoniam cum probatus fuerit, accipiet coronam vitæ. **Alleluja.**

Sequentia sancti Evangelii secundum Lucam.

In illo tempore: Dixit JESUS discipulis suis: sint lumbi vestri præcincti, & lucernæ ardentes in manibus vestris. Et vos similes hominibus expectantibus Dominum suum, quando revertatur a nuptiis: ut cum venerit, & pulsaverit, confestim aperiant ei.

Beati servi illi, quos cum venerit Dominus, invenerit vigilantes. Amen dico vobis, quod præcinget se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit: beati sunt servi illi. Hoc autem scitote, quoniam si sciret paterfamilias, qua hora fur veniret: vigilaret utique, & non sineret perfodi domum suam. Et vos estote parati: quia qua hora non putatis, filius hominis veniet. **Credo.**

Offertorium. Veritas mea, & misericordia mea cum ipso: & in nomine meo exaltabitur cornu ejus.

Secreta.

Præsta nobis, quæsumus omnipotens DEUS: ut nostræ humilitatis oblatio, & pro tuorum tibi grata sit honore sanctorum, & nos corpore pariter & mente purificet. Per Dominum.

Communio. Beatus servus, quem cum venerit Dominus, invenerit vigilantem: Amen dico vobis, super omnia dona sua constituet eum.

Postcommunio.

Quæsumus omnipotens DEUS: ut qui cœlestia alimenta percepimus, intercedente beato Hyacintho Confessore tuo, per hæc contra omnia adversa muniamur. Per Dominum.

Die xviii. Augusti.

In festo B. Claræ de Monte Falcon. V.

ORATIO.

DEUS, qui beatam Virginem tuam Claram clarificans, in ipsius corpore Passionis tuæ, & Trinitatis Mysteria renovasti: præsta quæsumus; ejus precibus & imitatione sic nos tuæ passionis amaritudinem recordari, ut Trinitatis beatitudine perfrui mereamur. Qui vivis & regnas cum Deo Patre &c.

Die xix. Augusti.

In festo S. Benignæ Virg. & Mart. **duplex.**
in Diocesi Vladislaviensi.

Missa. Loquebar. De Comm. Virg. & Martyr.

Offertorium. Diffusa est gratia in labiis tuis, propterea benedixit te DEUS in æternum, & in sæculum sæculi.

Communio. Quinque prudentes virgines acceperunt oleum in vasis suis cum lampadibus: media autem nocte clamor factus est, ecce sponsus venit, exite obviam Christo Domino.

Dominica post Octavam Assumptionis.
B. V. MARIÆ.

Translatio S. Casimiri, Conf. duplex.

Missa. Os justi. De Communi Conf. non Pont.

ORATIO.

DEUS, qui B. Casimirum de mundi & carnis victoria triumphantem, a terreno ad cœleste Regnum transfulisti; da quæsumus, ut qui ejus hodie memoriam translationis agimus, ejusdem semper in adversitatibus experiamur suffragia. Per.

Die xxix. Augusti.

In festo S. Sabinæ Martyris, dupl. in Eccl. Cath. Posnaniensi.

Introitus.

ME expectaverunt peccatores, ut perderent me: testimonia tua Domine intellexi: omnis consummationis vidi finem: latum mandatum tuum nimis. **Psal.** Beati immaculati in via: qui ambulant in lege Domini. **ꝫ.** Gloria.

ORATIO.

DEUS, qui inter cætera potentia tua miracula, etiam in sexu fragili victoriam Martyrii contulisti: concede propitius: ut qui B. Sabinæ Martyris tuæ natalitia colimus, per ejus ad te exempla gradiamur. Per Dominum.

Epistola. Confitebor tibi Domine Rex Ut in Missa. Loquebar.

Graduale. Dilexisti justitiam, & odisti iniquitatem. **ꝫ.** Propterea unxit te DEUS, DEUS tuus oleo lætitiæ. Alleluja, alleluja. **ꝫ.** Specie tua, & pulchritudine tua: intende, prospere procede, & regna. All.

Evangelium. Simile est regnum cœlorum thesauro abscondito in agro. De Communi.

Offertorium. Diffusa est gratia in labiis tuis, propterea benedixit te DEUS in æternum, & in sæculum sæculi, Alleluja.

Secreta.

HOstias tibi Domine, beatæ Sabinæ Martyris tuæ dicatas meritis, benignus assume: & ad perpetuum nobis tribue provenire subsidium. Per Dominum.

Communio. Principes persecuti sunt me gratis, & a verbis tuis formidavit cor meum: lætabor ego super eloquia tua, quasi qui invenit spolia multa.

Postcommunio.

Divini muneris largitate satiati quæsumus Domine DEUS noster: ut intercedente beata Sabina Martyre tua, in ejus semper participatione vivamus. Per Dominum nostrum.

Die xxx. Augusti.

S. Rosæ Limanæ, Virg. duplex.

Missa. Dilexisti. Ex Comm. unius Virg.

ORATIO.

Bonorum omnium largitor omnipotens DEUS, qui B. Rosam cœlestis gratia rore præventam, Virginitatis & pudicitia decore Indis florescere voluisti: da nobis famulis tuis, ut in odorem suavitatis ejus currentes, Christi bonus odor effici mereamur. Per Dominum.

In Diœcesi Vilnensi, Samogitiensi, Livonia celebratur xxvi. Augusti.

Die xxx. Augusti.

SS. Felicis, & Adacti MM. duplex in Diœcesi Vilnensi, Samogit. & Livon.

Missa ut in Missal. Rom. Additur Collecta pro Gratiarum Actione.

FESTA SEPTEMBRIS.

Dominica i. Septembris.

Festum Reliquiarum in Diœcesi Varm. & Sabiensi.

Missa, ut in Missali, aut De Communi Mart. Salus autem justorum.

ORATIO.

Auge in nobis, quæsumus: Domine resurrectionis fidem qui in Sanctorum tuo.

tuorum Reliquiis mirabilia operaris: & fac nos immortalis gloriae participes, cujus in eorum cineribus pignora veneramur. Per Dominum nostrum.

Die i. Sept.

B. Ladislai de Gielnow Conf. **P. R. P. Ord. Minorum de observantia. dupl. i. Classis.**

Missa Justus, de Comm. Conf.

ORATIO.

DEUS, qui B. Ladislaum religiosa perfectione voluisti omnibus praelucere, concede propitius, ut ejus exemplo in virtutibus jugiter proficiamus. Per Dom.

Die iv. Sept.

S. Rosae de Viterb. V. **dupl. in fine Missal.**

Die vi. Sept.

S. Rosaliae V. Panormitanæ **duplex in Diocesi Posnan. & Varmien.**

Missa ut in fine Missalis.

Die x. Septembris.

In festo S. Dalmatii Mart. **duplex in Dioc. Vladislaviensi.**

Missa. In virtute tua. De Comm. unius Mart. non Pont.

ORATIO.

OMnipotens sempiternae DEUS, fidelium tuorum indeficiens conservator, qui gloriosi Martyris tui Dalmatii clarificare dignatus es solemnitate, exaudi preces supplicantis Ecclesiae, & presta: ut quae devote expetit, eo suffragante consequi mereatur. Per Dominum.

Epistola. Memor esto Dominum Jesum Christum, De Communi unius Martyris.

Ex Missa Laetabitur.

Evangelium. Si quis vult venire post me. De Communi unius Martyris Pontificis. Ex Missa Sacerdotes.

Offertorium. In virtute tua Domine laetabitur Justus: & super salutare tuum exultabit vehementer: desiderium animae ejus tribuisti ei.

Secreta.

Muneribus nostris, quaesumus Domine, precibusque susceptis: & caelestibus

nos munda mysteriis, & clementer exaudi. Per Dominum.

Communio. Qui vult venire post me, abneget semetipsum; & tollat crucem suam, & sequatur me.

Postcommunio.

Refecti participatione muneris sacri, quaesumus Domine DEUS noster: ut cujus exequimur cultum, intercedente beato Dalmatio Martyre tuo, sentiamus effectum. Per Dominum.

Die xxiv. Septembris.

In festo SS. Tyrsi, Palmatii, & Socior. Martyrum **duplex in Diocesi Vladislav.**

Missa. Salus autem Justorum. De Comm. plurimorum Mart.

ORATIO.

OMnipotens sempiternae DEUS, qui beatum Tyrsum, Palmatium, & Socios pro confessione nominis tui fortes in certamine fecisti, & eos per martyrii palmam sanctis tuis, in caelis sociasti: presta, quaesumus: ut qui Martyrii eorum diem annuae devotione recolimus, ipsorum intercessione in confessione fidei simus stabiles, & in bonis operibus efficaces. Per Dominum.

Secreta.

Accepta sit in conspectu tuo, Domine, nostra devotio: & eorum nobis fiat supplicatio salutaris, pro quorum solemnitate defertur. Per Dominum.

Postcommunio.

DA, quaesumus Domine DEUS noster: ut, sicut tuorum commemoratione sanctorum, temporali gratulamur officio; ita perpetuo laetemur aspectu, Per Dom.

Ubi solius S. Tyrsi celebratur festum Missa. Laetabitur. Oratio. Eadem omissis Palmatium & Socios.

Dominica proxima post Festum S. Matthaei Festum Reliquiarum Ecclesiae Upsalensis.

Missa. Salus autem. De Comm. MM.

ORATIO.

Propitiare, quaesumus Domine, famulis tuis per merita gloriosae Virginis Mariae, & beatorum Martyrum Laurentii, Erici,

F

&

& omnium Sanctorum tuorum, quorum Reliquia in hac continentur Ecclesia, ut eorum pia intercessione ab omnibus semper protegamur adversis. Per Dominum.

Die xxvi. Septembris.

S. Josaphat Episc. Mart. **duplex.**

Missa, Statuit. De Comm. unius Mart. Pontif.

ORATIO.

OMnipotens sempiternæ DEUS, qui B. Josaphat palma Martyrii condecorando Ecclesiæ Catholicæ novum apud te intercessorem providisti, quæsumus, ut ejus meritis & auxilio, a malis omnibus liberati tuo nomini studiosius serviamus. Per Dominum nostrum.

Die xxvii. Septembris.

In festo Translationis S. Stanislai Episcopi, & Mart. **duplex.**

Missa, Statuit. De Comm. unius Mart. Pont. Epistola. Omnis Pontifex, Evangelium. Ego sum Pastor bonus. Ex Missa S. Adalberti, xxiii. April.

ORATIO.

DEUS, pro cujus honore gloriosus Pontifex Stanislaus gladiis impiorum occubuit: præsta, quæsumus: ut omnes, qui ejus implorant auxilium, petitionis suæ salutarem consequantur effectum. Per Dom.

Secreta.

Munera tibi Domine dicata sanctifica: & intercedente beato Stanislao Martyre tuo atque Pontifice, per eadem nos placatus intende. Per Dominum.

Postcommunio.

Hæc nos communio, Domine, purget a crimine: & intercedente beato Stanislao Martyre tuo, atque Pontifice, celestis remedii faciat esse consortes. Per Dominum nostrum.

Die xxviii. Septembris.

In festo S. Wenceslai Mart. **duplex.**

Introitus.

Lætabitur Justus in Domino, & sperabit in eo: & laudabuntur omnes re-
cti corde. **Psal. Exaudi DEUS ora-**

tionem meam, cum de precor: a timore inimi-
mici eripe animam meam. **ψ. Gloria Patri.**

ORATIO.

DEUS, qui beati Wenceslai nobilitatem in meliorem mutasti dignitatem, & eum per martyrii palmam ad cœlestem perduxisti gloriam: ejus precibus nos, quæsumus, ab omni adversitate libera, & æternæ beatitudinis concede perfrui gloria. Per Domiour nostrum.

Lectio Epistolæ beati Petri Apostoli.

Charissimi: Communicantes Christi passionibus, gaudete: ut & in revelatione gloriæ ejus gaudeatis exultantes. Si exprobramini in nomine Christi, beati eritis: quoniam quod est honoris, gloriæ, & virtutis DEI, & qui est ejus spiritus, super vos requiescit. Nemo autem vestrum patiatutur ut homicida, aut fur, aut maledicus, aut alienorum appetitor. Si autem ut Christianus: non erubescat, glorificet autem DEUM in isto nomine. Quoniam tempus est, ut incipiat judicium a domo DEI. Si autem primum a nobis: quis finis eorum, qui non credunt DEI Evangelio? Et si justus vix salvabitur: impius, & peccator ubi parebunt? Itaque & hi, qui patiuntur secundum voluntatem DEI: fideli creatori commendent animas suas in benefactis.

Graduale. Justus, cum ceciderit, non collidetur: quia Dominus supponit manum suam. ψ. Tota die miseretur, & commodat: & semen ejus in benedictione erit. Alleluja, Alleluja. ψ. Qui sequitur me, non ambulat in tenebris: sed habebit lumen vitæ æternæ. Alleluja.

Sequentia sancti Evangelii secundum Matthæum.

In illo tempore; Dixit JESUS discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum univèrsam lucretur, animæ ve-
ro

ro suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus. **Credo.**

Offertorium. Posuisti Domine in capite ejus coronam de lapide pretioso: vitam petiit a te, & tribuisti ei, Alleluja.

Secreta.

ACcepta sit in conspectu tuo, Domine, nostra devotio: & ejus nobis fiat supplicatione salutaris, pro cujus solemnitate defertur. Per Dominum.

Communio. Qui mihi ministrat, me sequatur: & ubi sum ego, illic & minister meus erit.

Postcommunio.

Refecti participatione muneris sacri, quæsumus Domine DEUS noster: ut cujus exequimur cultum intercedente beato Wenceslao Martyre tuo, sentiamus effectum. Per Dominum.

FESTA OCTOBRIS.

Die vi. Octobris.

Translatio S. Æschili. M. P. R. S. duplex.
Missa ut in festo xxii. Junii.

Die vii. Octobris.

Sanctæ Birgittæ Viduæ. duplex.
Missa. Cognovi. de Comm. nec Virg. nec Martyr.

ORATIO.

Domine DEUS noster, qui beatæ Birgittæ per Filium tuum unigenitum secreta cœlestia revelasti: ipsius pia intercessione, da nobis famulis tuis, in revelatione sempiternæ gloriæ tuæ gaudere lætantes. Per Dominum.

Die x. Octobris.

Festum Gratiarum Actionis pro Victoria de Turcis obtenta.

Missa. Votiva de SSS. Trinitate.

ORATIO.

DEUS, qui in summis Regni nostri periculis, antiqua Brachii tui miracula re-

novasti, suscipe gratiarum actiones exultantium populorum, & quibus tanti gaudii causam præstitisti, perpetuæ fructum concede lætitiæ. Per Dominum.

Secreta. O dorem Domine.

Postcommunio.

DEUS, qui neminem in te sperantem. ut post **Votivam de SSS. Trinitate ponuntur.**

Die x. Octobris.

In festo sanctorum Gereonis, & Sociorum Mart. duplex. in **Diocesi Gnesnensi.**

Introitus.

Clamaverunt justi, & Dominus exaudivit eos: & ex omnibus tribulationibus eorum liberavit eos. **Psal.** Benedicam Dominum in omni tempore: semper laus ejus in ore meo. **ψ.** Gloria.

ORATIO.

DEUS, qui hunc diem Beatorum Martyrum tuorum Gereonis, sociorumque ejus passione consecrasti: præsta, quæsumus: ut eorum suffragia apud te sentiamus in cœlis, quorum hic solemnia pio amore veneramur in terris. Per Dominum.

Lectio libri Apocalypsis beati Joannis Apostoli.

IN diebus illis: Respondit unus de senioribus, & dixit mihi: Hi, qui amicti sunt stolis albis, qui sunt, & unde venerunt? Et dixi illi: Domine mi, tu scis. Et dixit mihi: Hi sunt, qui venerunt de tribulatione magna: & laverunt stolas suas, & dealbaverunt eas in sanguine Agni. Ideo sunt ante thronum DEI, & serviunt ei die ac nocte in templo ejus: & qui sedet in throno, habitabit super illos. Non esurient, neque sitient amplius: nec cadet super illos sol, neque ullus æstus. Quoniam Agnus, qui in medio throni est reget illos: & deducet eos ad vitæ fontes aquarum: & absterget DEUS omnem lacrymam ab oculis eorum.

Graduale. Vindica Domine, sanguinem sanctorum tuorum, qui effusus est. **ψ.** Posuerunt mortalia servorum tuorum Domine, escas volatilibus cœli: carnes sanctorum tuorum bestiis terræ. Alleluja, alleluja **ψ.**

Iusti epulentur, & exultent in conspectu
DEI: & delectentur in lætitia. Alleluja.

Sequentia sancti Evangelii secundum
Lucam.

IN illo tempore: Descendens JESUS de
monte, stetit in loco campestri, & tur-
ba discipulorum ejus, & multitudo copio-
sa plebis ab omni Judæa, & Jerusalem, &
maritima, & Tyri, & Sidonis: qui venerant,
ut audirent eum, & sanarentur a languori-
bus suis. Et qui vexabantur a spiritibus
immundis, curabantur. Et omnis turba
quærebat eum tangere: quia virtus de illo
exibat: & sanabat omnes. Et ipse elevatis
oculis in discipulos suos: dicebat: Beati
pauperes: quia vestrum est regnum DEI.
Beati, qui nunc esuritis: quia saturabimini.
Beati, qui nunc fletis: quia ridebitis. Beati
eritis, cum vos oderint homines, & cum se-
paraverint vos, & exprobraverint, & eje-
cerint nomen vestrum tamquam malum,
propter Filium hominis. Gaudete in illa
die, & exultate: ecce enim merces vestra,
multa est in cælo.

Offertorium. Exultabunt sancti in glo-
ria, lætabuntur in cubilibus suis: exultatio-
nes DEI in faucibus eorum, Alleluja.

Secreta.

Munera tibi Domine, nostræ devotio-
nis offerimus: quæ & pro tuorum ti-
bi grata sint honore justorum: & nobis sa-
lutaria, te miserante, reddantur. Per Dom.

Communio. posuerunt mortalia servo-
rum tuorum Domine, escas volatilibus cæ-
li: carnes sanctorum tuorum bestiis terræ:
secundum magnitudinem brachii tui possi-
de filios morte punitorum.

Postcommunio.

DEUS, qui nos & cœlestibus pascere sa-
cramentis, & sanctorum Martyrum
tuorum Gereonis, Sociorumque ejus non
desinis fovere suffragiis: præsta, quæsumus:
ut quod illis ad gloriam contulisti, ad no-
stræ proferat fragilitatis auxilium. Per Dom.

Post x. Octobris feria non impedita S. Lu-
dovici Bertrandi Conf. non Pont.

Missa. Os justi.

Die xv. Octobris.

In festo S. Hedwigis Viduæ. **duplex.**

Introitus.

GAudeamus omnes in Domino, dsem
festum celebrantes sub honore beatæ
Hedwigis: de cujus solemnitate gau-
dent Angeli, & collaudant Filium DEI.
Psal. Eructavit cor meum verbum bonum:
dico ego opera mea regi. **ÿ. Gloria.**

ORATIO.

DEUS gratiæ dator & gloriæ, tuæ no-
bis propitius sinum pietatis aperi, &
præsta: ut qui manentem civitatem hic non
habemus, ad futuram quam quærimus, bea-
tæ Hedwigis interveniente suffragio, per-
ducamur. Per Dominum.

Lectio. Mulierem fortem.

Evangelium. Simile est regnum cœlorum
thesauro. **De Comm. non Virg.**

Secreta.

Accepta tibi sit, Domine, sacratæ ple-
bis oblatio, pro tuorum honore San-
ctorum: quorum se meritis de tribulatione
percepisse cognoscit auxilium. Per Dom.

Postcommunio.

Sumpta, quæsumus omnipotens DEUS,
hostia salutaris, ab adversis nos omni-
bus tueatur incurfibus: & post hujus labo-
res exilii, beatæ Hedwigis intervenientibus
meritis, ducat ad requiem opulentam. Per
Dominum.

Die xv. Octobris.

S. Theresiæ Virg. **duplex in Dicecesi Vil-
nensi, ubi S. Hedwigis xvii. Octobris.**
celebratur.

Missa ex Missali Rom.

Die xvi. Octobris.

S. Brunonis Episcopi Mart. Apostoli
Prussæ. **duplex in Dicecesi Var-
miensi & Sambieni.**

**Missa. Statuit. De Comm. unius Mart.
Pontificis.**

ORATIO.

Misericordissime DEUS, pro cujus fidei
propagatione, S. Bruno Episcopus &
Martyr, in his terris sanguinem liberaliter
effu-

effudit, miserere animarum populi tui, easque a culpis & pœnis liberas in Sanctorum tuorum numerum misericordissime inferas. Per Dominum.

Die xx. Octobris.

In festo Translationis sancti Adalberti Episcopi, & Martyris. **duplex.**

Missa, Statuit. De Comm. unius Mart.

ORATIO.

TUam nobis indulgentiam, quæsumus Domine, beatus Adalbertus Episcopus, & Martyr imploret: ut & delicta nobis clementer ignoscas, & beneficia desiderata concedas. Per Dominum.

Lectio Epistolæ. Ex Missa sequenti Sacerdotes. **Evang. ex Missa. Statuit.** Si quis.

Offertorium. Posuisti Domine in capite ejus coronam de lapide pretioso: vitam petiit a te, & tribuisti ei.

Secreta.

Sacrificium exhibitum, quæsumus Domine, benignus assume: ut quod nomini tuo in solemnitate (vel commemoratione) beati Adalberti Martyris tui, atque Pontificis deferimus, nobis profit ad veniam. Per Dominum nostrum.

Postcommunio.

Refecti, Domine, muneribus sacris, supplices te deprecamur: ut indulgentiam tuam nobis intercessio beati Adalberti Martyris tui atque Pontificis semper impleret. Per Dominum.

Die xxi. Octobris.

In festo S. Ursulæ & Sociarum Virginum, **duplex.**

Introitus.

GAudeamus omnes in Domino, diem festum celebrantes sub honore undecim millium virginum: de quarum passione gaudent Angeli: & collaudant filium DEI. **Psal. Exultate justi in Domino: rectos decet collaudatio.** **ψ. Gloria.**

ORATIO.

DA nobis, quæsumus Domine DEUS noster, sanctarum Virginum, & Marty-

rum tuarum Ursulæ, & Sociarum ejus, palmas incessabili devotione venerari: ut quas digna mente non possumus celebrare, humilibus saltem frequentemus obsequiis. Per Dominum nostrum.

Pro commemoratione sancti Hilarionis Abbatis.

ORATIO.

Intercessio nos, quæsumus Domine, beati Hilarionis Abbatis commendet: ut quod nostris meritis non valemus, ejus patrocinio assequamur. Per Dominum.

Lectio Epistolæ beati Pauli Apostoli ad Corinthios.

Fratres: De virginibus præceptum Domini &c. **Ex Missa. Vultum tuum. De Comm. Virginum.**

Graduale. Exultabunt sancti in gloria: lætabuntur in cubilibus suis. **ψ. Cantate Domino canticum novum: laus ejus in Ecclesia sanctorum. Alleluja, alleluja. ψ. Adducentur regi virgines post eam: proximæ ejus afferentur tibi in lætitia. Alleluja.**

Sequentia sancti Evangelii secundum Matthæum.

In illo tempore: Dixit JESUS discipulis suis parabolam hanc: Simile est regnum cœlorum decem virginibus &c. **Ex Missa: Dilexisti. De Comm. Virginum.**

Offertorium. Afferentur Regi virgines post eam: proximæ ejus afferentur tibi.

Secreta.

Intende, quæsumus Domine, munera altaribus tuis pro sanctarum virginum, & Martyrum tuarum Ursulæ, & sociarum ejus, festivitate proposita: ut, sicut per hæc beata mysteria illis gloriam contulisti, ita nobis indulgentiam largiaris. Per Dominum.

Pro commemoratione sancti Hilarionis Abbatis.

Secreta

Sacris altaribus, Domine, hostias superpositas sanctus Hilarion Abbas, quæsumus in salutem nobis provenire deposcat. Per Dominum.

G

Com-

Communio. *Quinque prudentes virgines acceperunt oleum in vasis suis cum lampadibus: media autem nocte clamor factus est, ecce sponsus venit, exite obviam Christo Domino.*

Postcommunio.

PRæsta nobis, quæsumus Domine, intercedentibus sanctis virginibus, & martyribus tuis: ut quod ore contingimus, pura mente capiamus. Per Dominum nostrum Jesum Christum Filium tuum. Qui tecum vivit, & regnat in unitate Spiritus Sancti Deus.

Pro commemoratione sancti Hilarionis Abbatis.

Postcommunio.

Protegat nos, Domine, cum tui perceptione sacramenti beatus Hilarion Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dominum nostrum Jesum Christum Filium tuum. Qui tecum vivit, & regnat in unitate Spiritus Sancti DEUS.

Die xxiii. Octobris.

S. Joannis a Capistrano Conf. **duplex.**
Missa. Justus ut palma, De Comm. Conf. non Pontif.

ORATIO.

DEUS, qui Ecclesiam tuam B. Joannis a Capistrano meritis & doctrinis mirabiliter sublimasti, & per eum de perfidis tyrannis in virtute SS. Nominis JESU fideles tuos triumphare fecisti, præsta quæsumus, ut de inimicis nostris ejus intercessione prævalentes in terris, præmiari cum ipso mereamur in cælis. Per Dominum.

Dominica iv. Octobris.

S. Joannis Cantii Conf. **duplex.**
Missa. Justus ut palma, De Comm. Conf. non Pontif. Pro varietate Diceces.

ORATIO.

DEUS tuorum gloria Sanctorum, præsta quæsumus, ut per intercessionem B. Joannis Cantii ab omnibus liberemur

malis animæ, & corporis, & ad vitam perveniamus sempiternam. Per Dominum.

Vel ORATIO.

DEUS castarum mentium, & corporum summa pulchritudo, & omnis scientiæ fons & origo, concede misericors, ut B. Joannis Cantii cujus hodie festivitatem colimus, & qui tuæ Majestati semper castamente & corpore placuit, & sacre doctrinæ famulatus est obsequio, ejus suffragante patrocínio pura tibi mente & corpore serviamus, & cibo cælestis doctrinæ pasti, in vitam nutriamur æternam.

Vel Alia.

DA quæsumus Omnipotens & Misericors DEUS, ut beati Joannis Confessoris tui exemplo misericordiam aliis exhibentes meritis ejus apud te misericordiam consequamur.

Die xxviii. Octobris.

S. Petri Paschasii Episc. & Mart. **dupl. min.**
Missa. Sacerdotes, De Comm. unius Mart. Pont.

Die xxxi. Octobris.

S. Wolfgangi Episc. Conf. **duplex.**
Missa ut in Additamento Missalis.

FESTA NOVEMBRIS.

Dominica ii. Novembris.

Festum Patrocínii B. V. **duplex.**
Missa ut in Additamento Missalis.

Die xii. Novembris.

In festo SS. Quinque Fratrum Polonorum Martyrum, **duplex.**

Introitus.

Multæ tribulationes justorum, & de his omnibus liberavit eos Dominus: Dominus custodit omnia ossa eorum: unum ex his non conteretur. **Psal.** Benedicam Dominum in omni tempore: semper laus ejus in ore meo, **ꝰ. Gloria Patri,**

ORA-

ORATIO.

Sanctorum nos, quæsumus Domine, Martyrum tuorum, Benedicti, Joannis, Matthæi, Isaaci, atque Christini gloriosa hodierna die trophæa lætificent: quatenus eorum interventione, ad illam perveniamus hæreditatem: in qua iidem felices Angelorum cœtibus aggregati, tuæ semper majestatis perfruuntur ineffabili claritate. Per Dominum nostrum.

Lectio libri Sapientiæ.

Hi sunt viri misericordiæ, quorum justitiæ oblivionem non acceperunt. Cum semine eorum permanent bona: hæreditas sancta, nepotes eorum. Et in testamentis stetit semen eorum: & filii eorum propter eos in æternum manent. Generatio eorum non derelinquetur. Corpora eorum in pace sepulta sunt: & nomina eorum vivent in sæcula. Sapientiam eorum narrent omnes populi: & laudem eorum pronuntiet omnis Ecclesia sanctorum.

Graduale. Ecce quam bonum, & quam jucundum, habitare fratres in unum. *v.* Sicut unguentum in capite, quod descendit in barbam, barbam Aaron. **Alleluja, alleluja.** *v.* Hæc est vera fraternitas, quæ vicit mundi crimina: Christum secuta est, inclyta tenens regna cœlestia. **Alleluja.**

Sequentia sancti Evangelii secundum Lucam.

In illo tempore: dixit JESUS discipulis suis: Attendite a fermento Phariseorum quod est hypocrisis. Nihil autem operum, quod non reveletur: neque absconditum, quod non sciatur. Quoniam quæ in tenebris dixistis, in lumine dicentur: & quod in aurem locuti estis in cubiculis, prædicabitur in tectis. Dico autem vobis amicis meis: Ne terreamini ab his, qui occidunt corpus, & post hæc non habent amplius, quid faciant. Ostendam autem vobis, quem timeatis. Timete eum, qui postquam occiderit, habet potestatem mittere in gehennam. Ita dico vobis, hunc timeate. Nonne quinque passeris veneunt dipondio: & u-

nus ex illis non est in oblivione coram Deo. Sed & capilli capitis vestri, omnes numerati sunt. Nolite ergo timere: multis passeribus pluris estis vos. Dico autem vobis: omnis quicumque confessus fuerit me coram hominibus, & filius hominis confitebitur illum coram Angelis DEI.

Credo.

Offertorium. Gloriabuntur in te omnes, qui diligunt nomen tuum, quoniam tu Domine benedices justo, Domine, ut scuto bonæ voluntatis tuæ, coronasti nos.

Secreta.

Hostias tibi Domine, sanctorum Martyrum tuorum dicatas meritis benignus assume: & ad perpetuum nobis tribue provenire subsidium. Per Dominum.

Communio. Et si coram hominibus tormenta passi sunt, DEUS tentavit eos: tamquam aurum in fornace probavit eos, & quasi holocausta accepit eos.

Postcommunio.

Sumpsimus Domine, sanctorum Martyrum tuorum, Benedicti, Joannis, Matthæi, Isaaci, atque Christini solemnia celebrantes, Sacramenta cœlestia: præsta, quæsumus: ut quod temporaliter gerimus, æternis gaudiis consequamur. Per Dominum nostrum.

Dominica i. post xiii. Novembris.

S. Stanislai Kostka S. J. Confess. **P. R. P. dupl. Missa. Os justi. Orat. propr. ex Additamento Missalis, Deus, qui inter cætera.**

Die xv. Novembris.

S. Gertrudis Virg. Abbatisæ. **duplex. Missa, in Missali suo ordine.**

Die xvii. Novembris.

S. Salomeæ Virginis Reginae Haliciæ, **duplex.**

Missa, Dilexisti. De Comm. Virg.

ORATIO.

DEUS, qui in B. Salomea terræni regni contemptum cum virginitatis candore in

re in connubio sociasti; concede nobis quæsumus; ut ejus exemplo tibi casto & humili corde servientes, immarcescibilem coronam gloriæ in cœlis consequi mereamur. Per Dominum nostrum.

Die xix. Novembris.

S. Elisabeth Vid. *dupl. suo ord. in Missali.*

Die xv. Julii.

In festo Divisionis SS. Apostolorum, *dupl. In defectu propriæ, ponitur ex Diœces. Wratislav.*

Introitus.

Mhi autem nimis honorati sunt amici tui Deus; nimis confortatus est principatus eorum. *Psal.* Domine probasti me, & cognovisti me: tu cognovisti sessionem meam, & resurrectionem meam. *ꝯ. Gloria Patri.*

ORATIO.

DEUS, qui Ecclesiam tuam distributam per orbem terrarum, sanctorum Apostolorum prædicatione fundasti: concede propitius; ut quorum hodierna die sub una celebritate recolimus insignia, eorum in cunctis necessitatibus nostris experiamur. suffragia. Per Dominum.

Lectio Epistolæ beati Pauli Apostoli ad Ephesios.

Fratres, jam non estis hospites, & advenæ: sed estis cives sanctorum & domestici DEI, superædificati super fundamentum Apostolorum & Prophetarum, ipso summo angulari lapide Christo Jesu: in quo omnis ædificatio constructa crescit in templum sanctum in Domino. In quo & vos coædificamini in habitaculum DEI, in Spiritu sancto.

Graduale. Constitues eos principes super omnem terram: memores erunt no-

minis tui Domine. *ꝯ Pro patribus tuis nati sunt tibi filii: propterea populi confitebuntur tibi. Alleluja, alleluja. ꝯ. Ego vos elegi de mundo, ut eatis, & fructum afferatis: & fructus vester maneat. Alleluja.*

Sequentia sancti Evangelii secundum Lucam.

IN illo tempore: Convocatis Jesus duodecim Apostolis, dedit illis virtutem & potestatem super omnia dæmonia, & ut languores curarent. Et misit illos prædicare regnum Dei, & sanare infirmos. Et ait ad illos: Nihil tuleritis in via, neque virgam, neque peram, neque panem, neque pecuniam, neque duas tunicas habeatis. Et in quamcumque domum intraveritis, ibi manete, & inde ne exeatis. Et quicumque non receperint vos: exeuntes de civitate illa, etiam pulverem pedum vestrorum excutite in testimonium supra illos. Egressi autem circuibant per castella, evangelizantes & curantes ubique.

Credo.

Offertorium. In omnem terram exivit sonus eorum: & in fines orbis terræ verba eorum.

Secreta.

GLoriam, Domine, sanctorum Apostolorum tuorum perpetuam in eorum divisione recensentes, quæsumus; ut eam, sacris mysteriis expiati, dignius celebremus. Per Dominum.

Communio. Vos, qui secuti estis me, sedebitis super sedes, judicantes duodecim tribus Israel.

Postcommunio.

Preceptis Domine sacramentis suppliciter exoramus: ut intercedentibus beatis Apostolis tuis, quæ pro illorum veneranda gerimus commemoratione, nobis proficiant ad medelam. Per Dominum.

F I N I S.

MISSA DE SS. NOMINE JESU.

Introitus.

In Nomine Jesu omne genu flectatur, cœlestium, terrestrium, & infernorum: & omnis lingua confiteatur, quia Dominus Jesus Christus in gloria est Dei Patris. *Psal. 8.* Domine Dominus noster, quam admirabile est nomen tuum in universa terra.

ψ. Gloria Patri, &c.

Oratio.

Deus, qui unigenitum Filium tuum constituisti humani generis Salvatorem, & Jesum vocari iussisti: concede propitius, ut cujus sanctum Nomen veneramur in terris, ejus quoque aspectu perfruamur in cœlis. Per eundem &c.

Deinde fit comm. de Dominica secunda post Epiph.

Oratio.

Omnipotens sempiternus Deus, qui cœlestia simul & terrena moderaris: supplicationes populi tui clementer exaudi, & pacem tuam nostris concede temporibus. Per Dominum &c.

Lectio Actuum Apost. Cap. 4.

In diebus illis: Petrus Spiritu Sancto repletus, dixit: Principes populi, & seniores audite. Si nos hodie dijudicamur in benefacto hominis infirmi, in quo iste salvus factus est: notum sit omnibus vobis, & omni plebi Israel, quia in nomine Jesu Christi Nazareni, quem vos crucifixistis, quem Deus suscitavit a mortuis, in hoc iste astat coram vobis sanus. Hic est lapis, qui reprobatus est

a vobis ædificantibus: qui factus est in caput anguli. Et non est in alio aliquo salus. Nec enim aliud Nomen est sub cœlo datum hominibus, in quo oporteat nos salvos fieri.

Grad. Salvos fac nos, Domine Deus noster, & congrega nos de nationibus: ut confiteamur Nomini sancto tuo, & gloriemur in gloria tua. *ψ.* Tu Domine, Pater noster, & Redemptor noster: a sæculo Nomen tuum. Allel. allel. *ψ.* Laudem Domini loquetur os meum, & benedicat omnis caro Nomen sanctum ejus. Allel.

Post Septuag. dicitur Tractus.

Domine Deus virtutum, converte nos, & ostende faciem tuam, & salvi erimus: sonet vox tua in auribus meis. *ψ.* Vox enim tua dulcis, & facies tua decora nimis. *ψ.* Oleum effusum Nomen tuum, Jesu: ideo adolescentulæ dilexerunt te.

† *Sequentia S. Evangelii secundum Lucam.*
Luc. 2.

In illo tempore: Postquam consummati sunt dies octo, ut circumcideretur puer: vocatum est Nomen ejus Jesus, quod vocatum est ab Angelo, priusquam in utero conciperetur.

Credo.

Offert. Psal. 85. Confitebor tibi, Domine, Deus meus in toto corde meo: & glorificabo Nomen tuum in æternum. Quoniam tu, Domine, suavis & mitis es, & multæ misericordiæ omnibus invocantibus te, alleluia.

A

Secre-

Secreta.

Benedictio tua, clementissime Deus, qua omnis viget creatura, sanctificet, quæsumus, hoc sacrificium nostrum, quod ad gloriam Nominis Filii tui Domini nostri Jesu Christi offerrimus tibi: ut majestati tuæ placere possit ad laudem, & nobis proficere ad salutem. Per eundem Dominum nostrum &c.

Pro Dominica Secunda post Epiphaniam.

Secreta.

Oblata, Domine, munera sanctifica; nosque a peccatorum nostrorum maculis emunda. Per Dominum &c.

*Prefatio de Nativitate. Communio
ibidem.*

Omnes Gentes, quascunque fecisti, venient, & adorabunt coram te, Domine, & glorificabunt Nomen tuum: quoniam magnus es tu, & faciens mirabilia: tu es Deus solus, alleluja.

Postcommunio.

Omni potens æterne Deus, qui creasti, & redemisti nos, respice propitius vota nostra, & sacrificium salutaris hostiæ, quod in honorem Nominis Filii tui Domini nostri Jesu Christi majestati tuæ obtulimus, placido, & benigno vultu suscipere digneris, ut gratia tua nobis infusa, sub glorioso Nomine Jesu, æternæ prædestinationis titulo gaudeamus, nomina nostra scripta esse in cælis. Per eundem Dominum &c.

Pro Dominica 11. post Epiphaniam.

Postcommunio.

Augeatur in nobis, quæsumus Domine, tuæ virtutis operatio ut divinis vegetati Sacramentis, ad eorum promissa capienda, tuo munere præparemur. Per Dominum nostrum &c.

In fine Missæ legitur Evangelium Dominice secunde post Epiphaniam.

MISSA

In Festo

**S. JOACHIM Genitoris B. M. V.
Protectoris R. P. & M. D. L.**

a S. R. Congreg. XI. Maji 1765. approbata.

Introitus. Eccl. 44.

Laudemus Virum gloriosum in generatione sua, quia benedictionem omnium gentium dedit illi Dominus, & testamentum suum confirmavit super caput ejus.

Psal. 111. Potens in terra erit semen ejus, generatio rectorum benedicetur. Gloria Patri. **L**audemus.

Oratio.

Deus qui præ omnibus Sanctis tuis Beatum Joachim Genitricis Felii tui Patrem esse voluisti, concede quæsumus, ut cujus Festa veneramur, ejus quoque perpetua patrocinia sentiamus. Per eundem Dominum.

Commem. Dominice occurr.

LECTIO Libri Ecclesiastici. Cap. 44.

Laudemus Viros gloriosos, & Parentes nostros in generatione sua. Multam gloriam fecit Dominus magnificentia sua a sæculo. Dominantes in potentibus suis homines magni virtute, & prudentia sua præditi, nunciantes in Prophetis dignitatem Prophetarum, & imperantes in præsentis populo, & virtute prudentiæ populis sanctissima verba. In peritia sua requirentes modos musicos, & narrantes carmina scripturarum. Homines divites in virtute, pulchritudinis studium habentes, pacificantes in domibus suis. Omnes isti in generationibus gentis suæ gloriam adepti sunt, & in diebus suis habentur in laudibus. Qui de illis nati sunt, reliquerunt nomen narrandi laudes eorum.

Gra.

Graduale Psalm. 111. Potens in terra erit semen ejus, generatio rectorum benedicetur. Gloria & divitiarum in domo ejus, & justitia ejus manet in seculum seculi. Alleluja Alleluja.

v. O Joachim Sancte, Conjux Annæ. Pater almæ Virginis, hic famulis confer salutis opem. Alleluja.

Initium Sancti Evangelii secundum Mathæum. Math. 1.

Liber generationis Jesu Christi Filii David, Filii Abraham. Abraham genuit Isaac, Isaac autem genuit Jacob, Jacob autem genuit Judam, & fratres ejus. Judas autem genuit Phares, & Zaram de Thamar. Phares autem genuit Efron, Efron autem genuit Aram, Aram autem genuit Aminadab, Aminadab autem genuit Naasson, Naasson autem genuit Salmon, Salmon autem genuit Booz de Rachab. Booz autem genuit Obed ex Ruth, Obed autem genuit Jesse, Jesse autem genuit David Regem, David autem Rex genuit Salomonem ex ea, que fuit Uriæ. Salomon autem genuit Roboam, Roboam autem genuit Abiam, Abias autem genuit Asa, Asa autem genuit Josaphat, Josaphat autem genuit Joram, Joras autem genuit Oziam, Ozias autem genuit Joathan, Joathan autem genuit Achaz, Achaz autem genuit Ezechiam, Ezechias autem genuit Manasse, Manasses autem genuit Amon, Amon autem genuit Josiam, Josias autem genuit Jechoniam, & fratres ejus in transmigratione Babylonis. Et post transmigrationem Babylonis Jechonias genuit Salathiel, Salathiel autem genuit Zorobabel, Zorobabel autem genuit Abiud, Abiud autem genuit Eliacim, Eliacim autem genuit Azor, Azor autem genuit Sadoc, Sadoc autem genuit Achim, Achim autem genuit Eliud, Eliud autem genuit Eleazar, Eleazar autem genuit

Mathan, Mathan autem genuit Jacob, Jacob autem genuit Joseph Virum Mariæ, de qua natus est Jesus, Qui vocatur Christus. *Credo.*

Offertorium. Eccl. cap. 44

Dedit illi Dominus gloriam, & exaltavit semen ejus usque ad terminos terræ.

Secreta.

Suscipe Clementissime Deus, sacrificium in honorem Sancti Patriarchæ Joachim Patris Mariæ Virginis, Majestati tuæ oblatum; ut ipso cum Conjuge sua, & beatissima prole intercedente, perfectam consequi mereamur remissionem peccatorum, & gloriam sempiternam. Per Dominum.

Communio Eccl. 44

Factum est illi testamentum æternum, & semini ejus sicut dies cæli.

Postcommunio.

Quæsumus omnipotens Deus: ut per hæc Sacramenta quæ sumpsimus, intercedentibus meritis & precibus Beati Joachim Patris Genitricis dilecti Filii tui Domini nostri Jesu Christi, tuæ gratiæ in præsentem, & æternæ gloriæ in futuro participes esse mereamur. Per eundem Dominum.

**FERIA SEXTA POST OCTAVAM
CORPORIS CHRISTI**

In Feste

SS. CORDIS JESU.

Introitus. Hierem. in Thr. c. 3.

Miseretur secundum multitudinem miserationum suarum; non enim humiliavit ex Corde suo, & abjecit Filios

lios hominum: bonus est Dominus sperantibus in Eum, animæ quærenti Illum. Alleluja, alleluja.

Psal. 88. Misericordias Domini in æternum cantabo: in generationem, & generationem. Gloria Patri.
Miserebitur.

Oratio.

Concede quæsumus, Omnipotens Deus, ut qui in sanctissimo dilecti Filii tui Corde gloriantes, præcipua in nos Charitatis ejus beneficia recolimus: Eorum pariter & actu delectemur, & fructu. Per eundem Dominum nostrum.

Lectio Isaiaæ Prophetæ,

Isai. cap. 12.

Confitebor Tibi Domine; quoniam iratus es mihi: Conversus est furor tuus, & consolatus es me. Ecce Deus Salvator meus, fiducialiter agam, & non timebo; quia fortitudo mea, & laus mea Dominus, & factus est mihi in salutem. Haurietis aquas in gaudio de fontibus Salvatoris. Et dicetis in illa die: Confitemini Domino, & invocate Nomen Ejus, mementote, quoniam excelsum est Nomen Ejus. Cantate Domino, quoniam magnifice fecit, annunciate hoc in universa terra. Exulta, & lauda habitatio Sion, quia magnus in medio Tui Sanctus Israel.

Graduale Jerem. Thren. cap. 1.

OVos omnes! qui transitis per viam, attendite, & videte, si est dolor meus. *v.* Cum dilexisset suos, qui erant in mundo, in finem dilexit Eos. Allel. allel.

v. *Matthæi 11. 29.* Discite a Me, quia mitis sum, & humilis Corde, invenietis requiem animabus vestris. Alleluja.

Sequentia S. Evangelii secundum Joannem.

Joan. 19. 31.

In illo tempore Judæi, quoniam Parasceve erat, ut non remaneret in Cruce corpora Sabbato (erat enim magnus dies ille Sabbati) rogaverunt Pilatum, ut frangerentur eorum crura, & tollerentur. Venerunt ergo milites, & primi quidem fregerunt crura, & alterius qui crucifixus est cum eo. Ad Jesum autem cum venissent, ut viderunt Eum jam mortuum, non fregerunt Ejus crura: sed unus militum lancea latus ejus aperuit, & continuo exivit sanguis, & aqua; Et qui vidit testimonium perhibuit, & verum est testimonium ejus. Credo.

Offertorium Ps. 102.

Benedic anima mea Domino, & noli oblivisci omnes retributiones ejus, qui replet in bonis desiderium tuum. Allel.

Secreta.

Tuere nos Domine, tua Tibi Holocausta offerentes; ad quæ ut ferventius corda nostra præparentur, flammis adure Tuæ divinæ Charitatis. Qui vivis & regnas.

Prefatio de Passione.

Communio Ps. 68.

Improperium expectavit Cor meum, & miseriam, & sustinui qui simul contristaretur, & non fuit; & qui consolaretur, & non inveni. Alleluja.

Postcommunio.

Pacificis pasti delicis, & salutaribus Sacramentis, Te supplices exoramus, Domine Deus noster, ut qui mitis es, & humilis Corde, nos a vitiorum omnium labe purgatos, propensius facias a superbis sæculi vanitatibus abhorrere. Qui vivis & regnas.

Die

Die 18. Julii.

M I S S A

In Festo

S. CAMILLI DE LELLIS CONFESSORIS.

Introitus.

Majorem hac dilectionem nemo habet, ut animam suam ponat quis pro amicis suis.

Psal. 40. Beatus qui intelligit super egenum, & pauperem; in die mala liberabit eum Dominus. **G**loria Patri.

Oratio.

Deus, qui Sanctum Camillum ad animarum in extremo agone luctantium subsidium, singulari charitatis prerogativa decorasti, ejus quæsumus meritis Spiritum nobis tuæ dilectionis infunde, ut in hora exitus nostri hostem vincere, & ad cælestem mereamur Coronam pervenire. Per Dominum &c. in unitate ejusdem &c.

*Lectio Epistolæ Beati Joannis Apostoli
1. Joan. 3. b.*

Charissimi nolite mirari, si odit vos mundus. Nos scimus, quoniam translati sumus de morte ad vitam, quoniam diligimus fratres. Qui non diligit manet in morte: omnis qui odit fratrem suum, homicida est. Et scitis, quoniam omnis homicida non habet vitam æternam in semetipso manentem. In hoc cognovimus Charitatem Dei, quoniam ille animam suam pro nobis posuit,

& nos debemus pro Fratribus animas ponere. Qui habuerit substantiam hujus mundi, & viderit fratrem suum necessitatem habere, & clauferit viscera sua ab eo, quomodo charitas Dei manet in eo? Filioli mei non diligamus verbo, neque lingua, sed opere & veritate.

Graduale.

Psal. 36. Os justi meditabitur Sapientiam, & lingua ejus loquetur judicium. Lex Dei ejus in corde ipsius, & non supplantabuntur gressus ejus. Allel. allel.

Ps. Beatus vir, qui timet Dominum: in mandatis ejus cupit nimis. Alleluja.

✠ **S**equentia S. Evangelii
secundum Joannem.

Joan. 15.

In illo tempore: Dixit Jesus Discipulis suis: Hoc est præceptum meum, ut diligatis invicem, sicut dilexi vos. Majorem hac dilectionem nemo habet, ut animam suam ponat quis pro amicis suis. Vos amici meis estis, si feceritis quæ ego præcipio vobis. Jam non dicam vos servos, quia servus nescit, quid faciat Dominus ejus. Vos autem dixi amicos; quia omnia quæcunque audivi a Patre meo, nota feci vobis. Non vos me elegistis, sed ego elegi vos, ut eatis, & fructum afferatis, & fructus vester maneat, ut quodcunque petieritis Patrem in nomine meo, dabit vobis.

Offertorium:

Psal. 20.

In virtute tua Domine lætabitur justus, & super Salutare tuum exultabit vehementer, desiderium animæ ejus tribuisti ei.

B

Secre-

Secreta.

Hostia immaculata, qua illud Domini Nostri Iesu Christi immensae Charitatis opus renovamus. Sancto Camillo intercedente, sit contra omnes Corporis & Animae infirmitates salutare remedium, & in extremo agone solatium, & tutela. Per eundem &c.

Communio.

Matth. 25.

Infirmus fui, & visitastis me: Amen amen dico vobis, quamdiu fecistis

uni ex his fratribus meis minimis: mihi fecistis.

Oratio.

Per haec caelestia alimenta, quae sancti Camilli Confessoris tui Solemnia celebrantes, pia devotione suscepimus, da quaesumus Domine, ut in hora mortis nostrae Sacramentis refecti, & culpis omnibus expiati, in sinum misericordiae tuae laeti suscipi mereamur. Qui vivis & regnas &c.

FINIS.



DIE XXVII, AUGUSTI.

I N F E S T O

SANCTI JOSEPHI
CALASANCTII,
CONFESSORIS.

M I S S A:

Introitus. Psalm. 33.

Venite filii, audite me, timorem
Domini docebo vos.

Benedicam Dominum in omni tem-
pore, semper laus Ejus in ore meo. Glo-
ria Patri &c. Venite filii &c.

O R E M U S.

Deus, qui per Sanctum Josephum
Confessorem Tuum ad eruden-
dam spiritu intelligentiæ, ac pietatis
juventutem novum Ecclesiæ tuæ subsi-
dium providere dignatus es; præsta,
quæsumus, nos ejusexemplo, & inter-
cessione ita facere & docere, ut præ-
mia consequamur æterna. Per Domi-
num &c.

Lesio Libri Sapientiæ. Cap. 10.

Justum deduxit Dominus per vias re-
ctas, & ostendit illi Regnum Dei,
& dedit illi scientiam Sanctorum, ho-
nestavit illum in laboribus, & comple-
vit labores illius. In fraude circumve-
nientium illum adfuit illi, & honestum
fecit illum. Custodivit illum ab inimi-
cis, & a seductoribus tutavit illum;
& certamen forte dedit illi, ut vince-
ret, & sciret, quoniam omnium poten-
tior est Sapientia. Hæc venditum ju-

stum non dereliquit, sed a peccatoribus
liberavit eum, descenditque cum illo in
foveam, & in vinculis non dereliquit
illum; donec afferret illi sceptrum Re-
gni, & potentiam adversus eos, qui eum
deprimebant; & mendaces ostendit,
qui maculaverunt illum, & dedit illi
claritatem æternam Dominus Deus no-
ster.

Graduale. Psalm. 36.

Os justi meditabitur sapientiam, &
lingua ejus loquetur judicium.

ψ. Lex Dei ejus in corde ipsius, &
non supplantabuntur gressus ejus. Alle-
luja, Alleluja.

ψ. Jacob. Cap. 1. Beatus vir, qui suf-
fert tentationem, quoniam cum proba-
tus fuerit, accipiet coronam vitæ. Al-
leluja.

Post Septuagesimam omittis Alleluja.
Et versu sequenti, dicitur Tractus.

Psalm. III.

Beatus vir, qui timet Dominum, in
mandatis ejus cupit nimis.

ψ. Potens in terra erit semen ejus, ge-
neratio rectorum benedicetur.

ψ. Glo-

γ. Gloria & divitiæ in domo ejus, & justitia ejus manet in sæculum sæculi.

Tempore Paschali omittitur Graduale, & ejus loco dicitur: Alleluja, Alleluja.

γ. Jacob. i. Beatur vir, qui suffert tentationem, quoniam cum probatus fuerit, accipiet coronam vitæ. Alleluja.

γ. Eccl. 45. Amavit eum Dominus, & ornavit eum, stolam gloriæ induit eum. Alleluja.

Sequentia S. Evangelii secundum Matthæum. Cap. 18.

In illo tempore: Accesserunt Discipuli ad JESUM, dicentes: Quis, putas, major est in Regno Cælorum? Et advocans JESUS parvulum statuit eum in medio eorum, & dixit: Amen dico vobis, nisi conversi fueritis, & efficiamini sicut parvuli, non intrabitis in Regnum Cælorum. Quicumque ergo humiliaverit se sicut parvulus iste, hic est major in Regno Cælorum, & qui susceperit unum

parvulum talem in nomine meo, me suscipit. Credo.

Offertorium Psalm. 10.

Desiderium pauperum exaudivit Dominus: preparationem cordis eorum audivit auris tua.

Secreta.

Altare tuum, Domine, muneribus cumulamus oblati; ut ejus nobis fiant supplicatione propitia, cujus nos donasti patrocinio adjuvari. Per Dominum &c.

Communio. Marci Cap. 10.

Sinite parvulos venire ad me, & ne prohibueritis eos: talium est enim Regnum Dei.

Postcommunio.

Sanctificati, Domine, salutari mysterio quæsumus, ut intercedente Sancto Josepho Confessore Tuo ad majus semper proficiamus pietatis incrementum, Per Dominum &c.



DIE XVIII. SEPTEMBRIS.

IN FESTO

SANCTI JOSEPHI
A CUPERTINO,
CONFESSORIS.

MISSA PROPRIA.

Introitus

Dilectio Dei honorabilis Sapientia: quibus autem appaerit in visu, diligunt eam in visione, & in agnitione magnalium suorum.

Psalm. Quam dilecta tabernacula tua Domine virtutum: Concupiscit anima mea in atria Domini. Gloria Patri.

ORATIO.

Deus, qui ad Unigenitum Filium tuum exaltatum a terra, omnia trahere disposuisti: perface propitius; ut meritis & exemplo Seraphici Confessoris tui Josephi, supra terrenas omnes cupiditates elevati, ad Eum pervenire mereamur, qui tecum vivit & regnat in unitate Spiritus Sancti Deus; per omnia.

Lectio Epistolæ B. Pauli Apostoli ad Corinthios.

Fratres, si linguis hominum loquar, & Angelorum, Charitatem autem non habeam; factus sum velut æs sonans, aut cymbalum tinniens. Et si habuero prophetiam, & noverim Mysteria omnia, & omnem scientiam; & si habuero omnem fidem, ita ut montes transferam, charitatem autem non habuero, nihil sum. Et si distribuero in cibos paupe-

rum omnes facultates meas, & si tradidero corpus meum, ita ut ardeam, Charitatem autem non habuero, nihil mihi prodest. Charitas patiens est, benigna est; Charitas non æmulatur, non agit perperam, non inflatur, non est ambitiosa, non quærit, quæ sua sunt, non irritatur, non agit malum; non gaudet super iniquitate, congaudet autem veritati; omnia suffert, omnia credit, omnia sperat, omnia sustinet. Charitas nunquam excidit, siue prophetiæ evacuabuntur, siue linguæ cessabunt, siue scientia destruetur.

Graduale.

Domine prævenisti eum in benedictionibus dulcedinis, posuisti in capite ejus coronam de lapide pretioso. Vitam petiit a te, & tribuisti ei longitudinem dierum in sæculum, & in sæculum sæculi. Alleluja, Alleluja. Oculus Dei respexit illum in bono, & erexit eum ab humilitate ipsius, & exaltavit caput ejus. Alleluja.

Sequentia S. Evangelii secundum Matthæum.

In illo tempore: loquebatur Jesus Principibus Sacerdotum, & Phariseis in parabolis, dicens: Simile factum est Regnum Cælorum homini Regi, qui fecit nuptias Filio suo. Et misit servos suos vocare

vocare invitatos ad nuptias, & nolebant venire. Iterum misit alios servos suos, dicens: dicite invitatis, ecce prandium meum paravi, Tauri mei, & altitia mea occisa sunt, & omnia parata, venite ad nuptias; illi autem neglexerunt, & abierunt, alius in villam suam, alius vero ad negotiationem suam, reliqui vero tenuerunt servos ejus, & contumeliis affectos, occiderunt. Rex autem, cum audisset, iratus est, & missis Exercitibus suis perdidit homicidas illos, & civitatem eorum succendit. Tunc ait servis suis: nuptiæ quidem paratæ sunt, sed qui invitati erant, non fuerunt digni. Ite ergo ad exitus viarum, & quoscunque inveneritis, vocate ad nuptias. Egressi servi ejus in vias, congregaverunt omnes, quos invenerunt, malos, & bonos, & impletæ sunt nuptiæ discumbentium. Intravit autem Rex, ut videret discumbentes; & vidit ibi hominem non vestitum veste nuptiali, & ait illi: Amice, quomodo huc intrasti, non habens vestem nuptialem? at ille obmutuit. Tunc dixit Rex Ministris: ligatis manibus, & pedibus ejus, mittite eum in tenebras exte-

riores; ibi erit fletus, & stridor dentium. Multi enim sunt vocati, pauci vero electi.

Offertorium.

Ego autem, cum mihi molesti essent, induebar cilicio; humiliabam in jejunio animam meam & oratio mea in sinu meo convertetur.

Secreta.

Laudis tibi, Domine, hostias immolamus, in tuorum Commemoratione Sanctorum, quibus nos & presentibus exui malis confidimus, & futuris. Per Dominum.

Communio.

Ego sum pauper, & dolens: salus tua, Deus, suscepit me. Laudabo nomen Dei cum cantico: & magnificabo Eum in laude.

Postcommunio.

Refecti cibo, potuque cœlesti, Deus noster, Te Supplices exoramus, ut, in cujus hæc Commemoratione percepimus, ejus muniamur & precibus. Per Dominum nostrum Jesum Christum Filium tuum: qui tecum.

